



Broj: 02-04-32127-3/22
Sarajevo, 25.08.2022. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na **91.** sjednici održanoj **25.08.2022.** godine, donijela je

ZAKLJUČAK

1. Utvrđuje se prijedlog Zakona o komunalnoj policiji Kantona Sarajevo.
2. Predlaže se Skupštini Kantona Sarajevo da u skladu sa Poslovníkom Skupštine Kantona Sarajevo („Službene novine Kantona Sarajevo”, broj: 41/12 - Drugi novi prečišćeni tekst i 15/13, 47/13, 47/15, 48/16, 9/20, 14/20, 16/22 i 17/22 - Ispravka) donese Zakon iz tačke 1. ovog zaključka.

P R E M I J E R

Edin Forto

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo,
6. Evidencija,
7. A r h i v a.

Na osnovu člana 12. tačka e) i člana 18. tačka b) Ustava Kantona Sarajevo („Službene novine Kantona Sarajevo“, broj 1/96, 2/96 – Ispravka, 3/96 – Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj _____ 2022. godine, donijela je:

(PRIJEDLOG)

ZAKON O KOMUNALNOJ POLICIJI KANTONA SARAJEVO

POGLAVLJE I. - OPŠTE ODREDBE

Član 1. (Predmet)

Ovim zakonom propisuje se osnivanje Kantonalne uprave za komunalne poslove u Kantonu Sarajevo (u daljem tekstu: Kantonalna uprava), uređuje se vršenje poslova komunalno policijskog i komunalno inspeksijskog nadzora iz nadležnosti Kantonalne uprave, radi osiguranja kontrole izvršavanja kantonalnih komunalnih propisa, općinskih komunalnih propisa, drugih propisa kojima se daju ovlasti Kantonalnoj upravi i općih akata Kantonalne uprave, rukovođenje komunalnom policijom i komunalnom inspekcijom, prava, obaveze i ovlaštenja komunalnih policajaca i komunalnih inspektora, preventivno, korektivno i represivno djelovanje komunalnih policajaca i komunalnih inspektora u vršenju komunalno policijskog i komunalno inspeksijskog nadzora, postupak komunalno policijskog i komunalno inspeksijskog nadzora, prava i obaveze subjekata nadzora, upravne i druge mjere, pravni lijekovi protiv rješenja i zaključaka komunalnih inspektora, izvršenje upravnih mjera, unutrašnja kontrola i druga pitanja koja su značajna za funkcionisanje Kantonalne uprave.

Član 2. (Značenje izraza)

Pojmovi koji se koriste u ovom zakonu imaju sljedeće značenje:

- a) **kantonalni komunalni policajac** (u daljem tekstu: komunalni policajac) je službenik, uposlenik Kantonalne uprave iz člana 1. ovog zakona, koji je ovlašten da primjenjuje ovlaštenja propisana ovim zakonom i koji vrši komunalni policijski nadzor,
- b) **kantonalni komunalni inspektor** (u daljem tekstu: komunalni inspektor) je državni službenik, uposlenik Kantonalne uprave iz člana 1. ovog zakona, koji je ovlašten da primjenjuje ovlaštenja propisana ovim zakonom, Zakonom o inspekcijama Kantona Sarajevo („Službene novine Kantona Sarajevo“, br. 2/17 i 37/21), i Zakonom o komunalnim djelatnostima („Službene novine Kantona Sarajevo“ br. 14/16, 43/16, 10/17 - Ispravka, 19/17, 20/18 i 22/19) i koji vrši komunalni inspeksijski nadzor,
- c) **komunalni policijski nadzor** je vrsta upravnog nadzora koji se ostvaruje kontrolom na licu mjesta, neposrednim uvidom u postupanje pravnih i fizičkih lica koja obavljaju određenu djelatnost i građana „fizičkih lica“ u pogledu komunalnog reda na području Kantona Sarajevo, pridržavanja zakona i drugih propisa, te preduzimanje upravnih i drugih mjera,
- d) **komunalni inspeksijski nadzor** je vrsta upravnog nadzora koji se ostvaruje posrednim i neposrednim uvidom u postupanje pravnih i fizičkih lica koja obavljaju određenu djelatnost i građana „fizičkih lica“ u pogledu komunalnog reda na području Kantona

Sarajevo, pridržavanja zakona i drugih propisa, te preduzimanje upravnih i drugih mjera,

- e) **komunalno policijski i komunalno inspeksijski poslovi** za koje su ovlašteni komunalni policajci i komunalni inspektori tokom vršenja nadzora su:
- 1) preventivni – preduzimanje mjera radi sprječavanja povrede propisa;
 - 2) korektivni – donošenje rješenja o otklanjanju nedostataka, zabrani poduzimanja radnji koje su u suprotnosti sa zakonima i drugim propisima i drugih upravnih mjera i radnji za koje su komunalni policajci i komunalni inspektori ovlašteni posebnim zakonom ili drugim propisom;
 - 3) represivni – izricanje novčane kazne putem izdavanja prekršajnog naloga i podnošenje zahtjeva odnosno prijava nadležnom organu za pokretanje odgovarajućeg postupka,
- f) **komunalno policijski i komunalno inspeksijski pregled** je neposredni pregled poslovnih prostorija i drugih objekata, javnih površina, provjera stanja funkcionalne sposobnosti javne i komunalne infrastrukture, transportnih sredstava, isprava i druge dokumentacije kao i drugih radnji sukladno svrsi komunalno policijskog i komunalno inspeksijskog nadzora kod pravnih i fizičkih lica,
- g) **kontrolni komunalno policijski i komunalno inspeksijski nadzor** je kontrola u izvršenju i postupanju subjekta nadzora po naloženim upravnim i drugim mjerama u postupku otklanjanja uočenih nepravilnosti,
- h) **subjekti komunalnog policijskog i komunalnog inspeksijskog nadzora** su pravna lica te pravna lica sa javnim ovlaštenjima, odgovorna lica u pravnim licima, fizička lica registrovana kod nadležnog organa za obavljanje određene djelatnosti i fizička lica koja obavljaju određenu djelatnost bez rješenja nadležnog organa i građani,
- i) **ček lista ili lista provjera** je sačinjena na osnovu ovog zakona i drugih propisa koja definiše konkretan predmet,
- j) **viša sila** je događaj koji se nije mogao predvidjeti u trenutku donošenja upravne mjere i na koji subjekt kontrole nije mogao uticati (događaj za subjekt kontrole mora biti neočekivan, izvanredan i nepredvidiv),
- k) **pravni osnov za vršenje komunalno policijskog i komunalno inspeksijskog nadzora** koji vrše komunalni policajci i komunalni inspektori je ovaj zakon, propisi doneseni na osnovu njega, opći akti Kantonalne uprave, kantonalni komunalni propisi, općinski komunalni propisi i drugi propisi kojima se daju ovlasti Kantonalnoj upravi.

Član 3.

(Vršenje komunalno inspeksijskog nadzora)

Komunalno inspeksijski nadzor vrši se u skladu sa odredbama člana 2. stav (1) tač. d), e), f) i g) ovog zakona, te u skladu sa Zakonom o inspekcijama Kantona Sarajevo, i to:

- a) preduzimanjem komunalno inspeksijskih radnji na utvrđivanju činjeničnog stanja radi provođenja zakona i drugih propisa kod subjekta nadzora,
- b) preduzimanjem preventivnih mjera u skladu sa ovim zakonom i drugim propisima,
- c) preduzimanjem korektivnih mjera radi sprječavanja i otklanjanja nezakonitosti u izvršavanju zakona i drugih propisa,
- d) preduzimanjem represivnih mjera u skladu sa ovim zakonom i drugim propisima,
- e) preduzimanjem drugih mjera i radnji određenih ovim zakonom i drugim propisima.

Član 4.

(Uloga i značaj komunalno policijskog i komunalno inspeksijskog nadzora)

- (1) Komunalno policijskim i komunalno inspeksijskim nadzorom osigurava se uspostava i održavanje komunalnog reda i zaštita javnog interesa u komunalnoj djelatnosti u Kantonu Sarajevo (u daljem tekstu: Kanton).
- (2) Komunalno policijski i komunalno inspeksijski nadzor organizovan prema ovom zakonu je djelatnost od opšteg interesa za Kanton.

Član 5.

(Organizovanje komunalno policijskog i komunalno inspeksijskog nadzora)

Komunalno policijski i komunalno inspeksijski nadzor prema ovom zakonu vrši Kantonalna uprava.

Član 6.

(Lica koja vrše komunalno policijski i komunalno inspeksijski nadzor)

Komunalno policijski nadzor vrše komunalni policajci, a komunalno inspeksijski nadzor vrše komunalni inspektori.

Član 7.

(Načela vršenja komunalno policijskog i komunalno inspeksijskog nadzora)

- (1) U postupku vršenja komunalno policijskog i komunalno inspeksijskog nadzora komunalni policajci i komunalni inspektori se pridržavaju načela zakonitosti, objektivnosti, javnosti, efikasnosti, profesionalne nepristrasnosti, nediskriminacije i političke neovisnosti.
- (2) U postupku komunalno policijskog i komunalno inspeksijskog nadzora komunalni policajci i komunalni inspektori se pridržavaju načela pravičnosti, tako da mjera naložena od strane komunalnog policajca i inspektora bude srazmjerna težini učinjene povrede.
- (3) Komunalni policajci i komunalni inspektori pružaju stručnu pomoć subjektu nadzora u primjeni propisa iz oblasti vršenja komunalno inspeksijskog nadzora kao i o mjerama preventivnog djelovanja.

Član 8.

(Obavještanje o počinjenom krivičnom djelu)

Komunalni policajci i komunalni inspektori su dužni obavijestiti nadležne organe o saznanjima o eventualno počinjenom krivičnom djelu do kojih su došli tokom vršenja komunalno policijskog i komunalno inspeksijskog nadzora.

Član 9.

(Propisivanje komunalno policijskog i komunalno inspeksijskog nadzora)

Komunalno policijski i komunalno inspeksijski nadzor, te nalaganje upravnih i drugih mjera i radnji propisuje se Zakonom o inspekcijama Kantona Sarajevo, ovim zakonom i drugim propisima.

POGLAVLJE II - DJELOKRUG RADA KANTONALNE UPRAVE

Član 10.

(Kantonalna uprava za komunalne poslove)

Kantonalna uprava je samostalna kantonalna uprava.

Član 11.

(Poslovi Kantonalne uprave)

Kantonalna uprava obavlja sljedeće poslove:

- a) zaprima prijave, pritužbe i pisane zahtjeve putem protokola (uključujući prijave putem e-maila, dežurnog telefona, fax-a, i na druge načine) koje dalje prosljeđuje na postupanje komunalnim policajcima i komunalnim inspektorima,
- b) prati stanje u komunalnoj oblasti za koje je nadležna i poduzima upravne i druge mjere u vršenju komunalno policijskog i komunalno inspekcijanskog nadzora,
- c) prati stanje u komunalnoj oblasti u kojoj vrši komunalno policijski i komunalno inspekcijanski nadzor i podnosi izvještaj o radu Vladi Kantona Sarajevo (u daljem tekstu: Vlada) kao i posebne izvještaje kada se za to ukaže potreba,
- d) donosi programe i planove vršenja redovnih komunalno policijskih i komunalno inspekcijanskih nadzora,
- e) vodi evidenciju o svim subjektima nadzora,
- f) vodi evidenciju o izvršenim komunalno policijskim i komunalno inspekcijanskim nadzorima i o radu svakog komunalnog policajca i komunalnog inspektora,
- g) vodi evidenciju o zaposlenicima unutar Kantonalne uprave,
- h) vodi evidenciju o službenim iskaznicama komunalnih policajaca i komunalnih inspektora,
- i) donosi program stručne obuke komunalnih policajaca i komunalnih inspektora, te drugih državnih službenika i namještenika Kantonalne uprave,
- j) učestvuje u stručnoj pripremi kantonalnih propisa u komunalnoj oblasti nad kojima komunalno policijski i komunalno inspekcijanski nadzor vrši Kantonalna uprava,
- k) ostvaruje saradnju sa nadležnim organima u Bosni i Hercegovini, Federaciji Bosne i Hercegovine, Kantonu Sarajevo, Gradu Sarajevu i općinama na području Kantona Sarajevo,
- l) obavlja komunalno policijski i komunalno inspekcijanski nadzor,
- m) obavlja i druge upravne i stručne poslove određene zakonima i drugim propisima iz komunalne oblasti.

Član 12.

(Djelokrug rada i broj komunalnih policajaca i komunalnih inspektora)

- (1) Djelokrug rada Kantonalne uprave utvrđen je propisima Kantona Sarajevo u kojima je regulisana nadležnost za komunalnu upravnu oblast.
- (2) Broj komunalnih policajaca se određuje u omjeru jedan komunalni policajac na 5000 stanovnika, uvažavajući obim poslova, površinu teritorije koju nadzire, povećanje obima nadležnosti u komunalnoj djelatnosti, rad u smjenama, noćni rad i slično.
- (3) Broj komunalnih inspektora utvrđuje Direktor Kantonalne uprave (u daljem tekstu: Direktor), uvažavajući broj i obim poslova komunalnih policajaca, povećanje obima nadležnosti u komunalnoj djelatnosti, rad u smjenama, noćni rad i slično.

Član 13.

(Normativi za vršenje komunalno policijskog i komunalno inspeksijskog nadzora)

Direktor utvrđuje normative za vršenje komunalno policijskih i komunalno inspeksijskih nadzora (broj komunalnih policijskih i komunalno inspeksijskih nadzora u određenom vremenskom periodu) donošenjem pravilnika o utvrđivanju normativa u saradnji sa neposrednim rukovodiocima organa uprave.

Član 14.

(Evidencije o komunalno policijskom i komunalno inspeksijskom nadzoru)

- (1) Kantonalna uprava vodi sljedeće evidencije o:
 - a) komunalno policijskim i komunalno inspeksijskim nadzorima,
 - b) izvršenim komunalno policijskim i komunalno inspeksijskim nadzorima i poduzetim mjerama komunalnih policajaca i komunalnih inspektora,
 - c) podnešenim prijavama, peticijama i prijedlozima građana,
 - d) zaprimljenim pritužbama na rad komunalnih policajaca i komunalnih inspektora,
 - e) upotrebi sredstava prinude od strane komunalnih policajaca,
 - f) privremeno oduzetim predmetima,
 - g) izdatim službenim legitimacijama, opremi i sredstvima,
 - h) pruženim asistencijama po zahtjevu drugih organa.
- (2) Direktor donosi pravilnik o elektronskom vođenju i sadržaju obrazaca – knjige evidencije o komunalno policijskom i komunalno inspeksijskom nadzoru kojim će se regulisati prezentiranje podataka o komunalno policijskom i komunalno inspeksijskom nadzoru, izrečenim kaznama i upravnim mjerama kod subjekta nadzora.

Član 15.

(Planiranje i izvještaji o komunalno policijskom i komunalno inspeksijskom nadzoru)

- (1) Kantonalna uprava donosi godišnji program rada i mjesečne planove rada o obavljanju komunalno policijskog i komunalno inspeksijskog nadzora. Planovi o vršenju komunalno policijskog i komunalno inspeksijskog nadzora su službena tajna.
- (2) Prilikom izrade godišnjeg programa i aktivnosti rada za narednu godinu, Kantonalna uprava je obavezna tražiti mišljenje Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo (u daljem tekstu: Ministarstvo) i nadležnih organa. Kantonalna uprava je dužna prijedlog programa i aktivnosti rada za narednu godinu dostaviti Ministarstvu i nadležnim organima najkasnije do 30.11. tekuće godine. Ako Ministarstvo i nadležni organi ne dostave svoje mišljenje do kraja tekuće godine, smatra se da nemaju primjedbi niti prijedloga.
- (3) Direktor u određenim slučajevima donosi poseban program komunalno policijskog i komunalno inspeksijskog nadzora za određene vanredne situacije.
- (4) Prema posebnom programu iz stava (3) ovog člana komunalno policijski i komunalno inspeksijski nadzor u određenoj komunalnoj oblasti ili ciljanoj grupi subjekata nadzora bit će javan i promovirat će se putem medija, ili na drugi prikladan način sa ciljem da djeluje edukativno i preventivno kod subjekata nadzora kao i na pripremu tog subjekta za komunalno policijsku i komunalno inspeksijsku kontrolu.
- (5) Sadržaj izvještaja o radu Kantonalne uprave propisuje Direktor, na bazi pravilnika o unutrašnjoj organizaciji organa uprave i metodologiji podnošenja izvještaja prema Vladi.

- (6) O stanju u komunalnoj oblasti iz svoje nadležnosti Kantonalna uprava podnosi izvještaj Vladi najmanje jednom godišnje.

POGLAVLJE III. - NADLEŽNOST KANTONALNE UPRAVE

Član 16.

(Nadležnost Kantonalne uprave)

- (1) Kantonalna uprava putem komunalne policije i komunalne inspekcije vrši komunalno policijski i komunalno inspeksijski nadzor nad primjenom propisa u okviru nadležnosti utvrđenih propisima Kantona, kojima je utvrđena nadležnost komunalne policije i komunalne inspekcije.
- (2) U skladu sa članom 42. stav (4) Zakona o komunalnim djelatnostima („Službene novine Kantona Sarajevo“, br. 14/16, 43/16, 10/17 - Ispravka, 19/17, 20/18 i 22/19) komunalnom inspektor u vršenju komunalno inspeksijskog nadzora nad provođenjem pomenutog zakona i posebnih propisa iz člana 4. stav (20) Zakona o komunalnim djelatnostima, pomaže komunalni policajac, u skladu sa ovim zakonom.
- (3) Komunalni policajci vrše komunalno policijski nadzor nad provođenjem Zakona o komunalnoj čistoći na način da preuzimaju nadležnosti, obaveze i ovlasti Službe komunalnih redara Kantonalnog javnog komunalnog preduzeća „Park“ d.o.o. Sarajevo (u daljem tekstu: KJKP „Park“ d.o.o. Sarajevo) i Kantonalnog javnog komunalnog preduzeća „Rad“ d.o.o. Sarajevo (u daljem tekstu: KJKP „Rad“ d.o.o. Sarajevo) sa dodatnim i posebnim ovlaštenjem za izdavanje prekršajnog naloga.
- (4) Komunalni policajci i komunalni inspektori su ovim zakonom ovlašteni i za vršenje komunalno policijskog i komunalno inspeksijskog nadzora u vezi provođenja Zakona o obavezama i ovlaštenjima kontrolora operatera javnog prijevoza putnika u Kantonu Sarajevo („Službene novine Kantona Sarajevo“, broj 37/14), Zakona o uređenju saobraćaja na području Kantona Sarajevo („Službene novine Kantona Sarajevo“, br. 30/17, 46/17 i 1/22), postupanje u vezi provođenja Plana interventnih mjera u slučajevima prekomjerne zagađenosti zraka u Kantonu Sarajevo („Službene novine Kantona Sarajevo“, broj 52/21), Odluke o zaštiti i poboljšanju kvaliteta zraka u Kantonu Sarajevo („Službene novine Kantona Sarajevo“, broj 23/16) i Odluke o uslovima i načinu prokopavanja javnih površina na području Kantona Sarajevo („Službene novine Kantona Sarajevo“, br. 16/04, 22/05 i 30/08), u skladu sa zakonskim odredbama koje se odnose na zaštitu javnog interesa i komunalnog reda u Kantonu.

Član 17.

(Rukovođenje Kantonalnom upravom)

- (1) Kantonalnom upravom rukovodi Direktor.
- (2) Direktora imenuje i razrješava Vlada u skladu sa Zakonom o državnoj službi u Kantonu Sarajevo („Službene novine Kantona Sarajevo“, br. 31/16 i 45/19).
- (3) Direktor za svoj rad i upravljanje Kantonalnom upravom odgovara Vladi.

Član 18.

(Ovlaštenja Direktora)

- (1) Direktor je imenovano lice koje rukovodi Kantonalnom upravom, zastupa i predstavlja Kantonalnu upravu i vrši naročito sljedeće poslove:

- a) organizuje vršenje svih poslova iz nadležnosti komunalne policije i komunalne inspekcije,
 - b) donosi propise i druge opće i pojedinačne akte za koje je zakonom i drugim propisima ovlašten.
- (2) U skladu sa zakonom i drugim propisima odlučuje o korištenju finansijskih i materijalnih sredstava za koje je nadležan, odlučuje o pravima, dužnostima i odgovornostima državnih službenika i namještenika iz radnog odnosa ili u vezi sa radnim odnosom u Kantonalnoj upravi, organizira i osigurava zakonito i efikasno vršenje komunalno policijskog i komunalno inspeksijskog nadzora, obavlja druge poslove iz nadležnosti Kantonalne uprave koji su određeni ovim zakonom i drugim propisima.

POGLAVLJE IV – STATUS, PRAVA, OBAVEZE I OVLAŠTENJA KOMUNALNIH POLICAJACA I KOMUNALNIH INSPEKTORA

Član 19. (Komunalni policajac)

Komunalni policajac je službenik.

Član 20. (Komunalni inspektor)

Komunalni inspektor je državni službenik.

Član 21. (Uniforma, iskaznica i značka komunalnog policajca i komunalnog inspektora)

- (1) Prilikom vršenja komunalnog policijskog nadzora, komunalni policajci su dužni da:
 - a) budu uniformisani, imaju iskaznicu i značku kojom dokazuju svoja službena svojstva, identitet i ovlaštenja predviđena zakonom,
 - b) propisno nose službene uniforme.
- (2) U specifičnim slučajevima Direktor svojom odlukom može ovlastiti komunalnog policajca da obavlja svoju dužnost u civilnom odijelu ili komunalnog inspektora zadužiti da nosi uniformu.
- (3) Prilikom vršenja komunalnog inspeksijskog nadzora, komunalni inspektori su dužni da imaju iskaznicu i značku kojom dokazuju svoje službeno svojstvo, identitet i ovlaštenja predviđena zakonom.
- (4) Komunalnim policajcima i komunalnim inspektorima iskaznicu i značku izdaje Direktor.
- (5) Izgled uniforme, oblik i sadržaj službene iskaznice, te oblik, izgled i sadržaj značke propisuje Vlada uredbom, na prijedlog Direktora.

Član 22. (Prava i obaveze komunalnog policajca i komunalnog inspektora)

- (1) U skladu sa članom 111. Zakona o inspekcijama Kantona Sarajevo, zbog prirode djelatnosti i funkcionalne povezanosti sa drugim poslovima državne uprave u komunalnoj oblasti, ovim zakonom se organizuje vršenje komunalno inspeksijskog nadzora u sastavu Kantonalne uprave.
- (2) Komunalni inspektori u vršenju komunalno inspeksijskog nadzora primjenjuju odredbe Zakona o inspekcijama Kantona Sarajevo.

- (3) Komunalni policajci se tokom vršenja komunalno policijskog nadzora pridržavaju načela vođenja nadzora u skladu sa Zakonom o inspekcijama Kantona Sarajevo i ovog zakona.
- (4) U vršenju komunalno policijskog i komunalno inspeksijskog nadzora komunalni policajci i komunalni inspektori imaju prava, obaveze i ovlaštenja propisana ovim zakonom, drugim propisima i aktima.

Član 23.

(Ovlaštenja komunalnog policajca)

- (1) Pored dužnosti i ovlaštenja utvrđenim u propisima Kantona, u kojima je regulisana nadležnost za komunalnu upravnu oblast i drugim propisima, komunalnim policajcima radi održavanja komunalnog reda i zaštite javnog interesa u komunalnoj djelatnosti ovim zakonom daju se i sljedeća ovlaštenja da:
 - a) utvrde identitet subjekta nadzora i drugih lica od značaja za komunalni nadzor,
 - b) tokom vršenja komunalno policijskog nadzora, a radi utvrđivanja činjenica o prekršaju pregleda, fotografije i snima osobe, poslovne i druge prostorije, objekte i opremu, postrojenja, uređaje i instalacije javne komunalne infrastrukture, gradilišta, javne površine, prijevozna sredstva i dr.,
 - c) sasluša stranke, svjedoke i druga lica čija izjava je od značaja za utvrđivanje činjenica u vršenju komunalno policijskog nadzora,
 - d) naloži da mu subjekt nadzora dostavi u roku tražene podatke i dokumentaciju odnosno da se odazove pozivu da dođe u službene prostorije komunalne policije radi davanja podataka u vezi sa komunalno policijskim nadzorom,
 - e) preduzima upravne i druge mjere u skladu sa ovim i drugim relevantnim zakonima i propisima,
 - f) preduzima preventivne aktivnosti u vršenju komunalno policijskog nadzora,
 - g) izda prekršajni nalog u slučaju da prilikom komunalno policijskog nadzora utvrdi nepoštivanje zakona i drugih propisa za koje je ovlašten da nadzire,
 - h) u slučajevima kada nije moguće izdati prekršajni nalog podnese zahtjev za pokretanje prekršajnog postupka nadležnom sudu u skladu sa Zakonom o prekršajima („Službene novine Federacije BiH“, br. 63/14),
 - i) uzima u postupak zahtjeve i prijave građana, preduzeća i drugih organizacija i o svom postupanju obavještava podnosiocima zahtjeva i prijave,
 - j) upotrijebi sredstva prinude (fizičku snagu i ručni sprej sa nadražujućim dejstvom) ako u obavljanju poslova na drugi način od sebe ili drugog ne može da odbije istovremeni ili direktno predstojeći protivpravni napad i to na način da prvo upotrijebi najblaže sredstvo prinude koje je zavisno od konkretne okolnosti odnosno koje je srazmjerno napadu.
- (2) Ako prilikom redovnog komunalno policijskog pregleda i obilaska terena koji se obavlja prema godišnjem programu rada, komunalni policajci utvrde nepoštivanja ovog zakona i drugih propisa za koje su ovlašteni da nadziru, a u cilju zaštite javnog i privatnog interesa, te u cilju očuvanju komunalnog reda u Kantonu, dužni su postupiti odmah na način da izvrše pregled na licu mjesta i donesu upravnu mjeru srazmjernu počinjenom prekršaju.
- (3) Fizička snaga upotrebljava se u skladu sa pravilima vještine samoodbrane.
- (4) Komunalni policajac ne smije upotrijebiti fizičku snagu i ručni sprej sa nadražujućim dejstvom prema licima mlađim od četrnaest godina života, očigledno bolesnim i iznemoglim licima i licima sa invaliditetom.
- (5) Obavlja i druge službene radnje u svrhu komunalno policijskog nadzora.

- (6) Pored ovlaštenja iz stava (1) ovog člana komunalni policajac ima prava i obaveze u skladu sa posebnim propisima da zabrani obavljanje radnji koje mogu izazvati opasnost po život, zdravlje, okolinu i nanijeti materijalnu štetu.

Član 24.

(Način provjere identiteta)

- (1) Provjera identiteta lica vrši se uvidom u njegov identifikacioni dokument, u Civilni registar Agencije za identifikaciju dokumenata, evidenciju i razmjenu podataka ili drugu javnu ispravu koja sadrži njegovu fotografiju i njegov potpis.
- (2) Provjera identiteta i razmjena podataka vrši se u skladu sa Zakonom o agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), te u skladu sa Zakonom o zaštiti ličnih podataka („Službeni glasnik BiH“, br. 49/06, 76/11 i 89/11).
- (3) Provjera identiteta lica koja nisu državljani Bosne i Hercegovine, a čine prekršaj iz zakona koji regulišu komunalne djelatnosti, vrši se uvidom u lična dokumenta (pasoš).
- (4) Ovlašćenja komunalne policije i komunalne inspekcije prema maloljetnom licu primjenjuju se u prisustvu roditelja ili staratelja tog lica, odnosno, u slučaju da su nedostupni, u prisustvu predstavnika organa starateljstva.
- (5) Prisustvo predstavnika organa starateljstva umjesto roditelja može da se obezbijedi ako je moguće i u slučajevima kada bi prisustvo roditelja bilo štetno za maloljetnika izloženog nasilnim ili sličnim radnjama roditelja ili bi u značajnoj mjeri ugrozilo izvršenje zadataka komunalne policije i komunalne inspekcije.
- (6) U slučaju da lice iz stava (2) ovog člana ne pokaže lična dokumenta, komunalni policajac i komunalna inspekcija zatražiti će asistenciju nadležne policijske uprave Ministarstva unutrašnjih poslova Kantona Sarajevo, a radi utvrđivanja identiteta tog lica.

Član 25.

(Stručno obrazovanje komunalnih policajaca i komunalnih inspektora)

Komunalni policajci i komunalni inspektori su obavezni da se neprestano stručno obrazuju i usavršavaju najmanje jednom godišnje za obavljanje poslova komunalno inspekcijskog nadzora iz propisa koji se odnose na oblast komunalno inspekcijskog nadzora, upravnog i prekršajnog postupka u skladu sa programom stručne obuke komunalnih policajaca i komunalnih inspektora kojeg donosi Direktor.

Član 26.

(Ograničenje komunalnih policajaca i komunalnih inspektora u obavljanju drugih poslova)

Komunalni policajci i komunalni inspektori ne mogu obavljati privredne, trgovačke ili druge djelatnosti i poslove za sebe ili drugog poslodavca iz oblasti i područja na kojem vrše komunalno policijski i komunalno inspekcijski nadzor.

Član 27.

(Čuvanje službene i druge tajne)

- (1) Komunalni policajci i komunalni inspektori su dužni čuvati službenu i svaku drugu tajnu sa kojom se upoznaju u vršenju komunalno policijskog i komunalno inspekcijskog nadzora.

- (2) Komunalni policajci i komunalni inspektori su dužni čuvati tajnost prijave i druge informacije koje se tiču komunalno policijskog i komunalno inspeksijskog nadzora što uključuje i dokumentaciju, dokaze i podatke utvrđene ili nastale u komunalno policijskom i komunalno inspeksijskom nadzoru.

POGLAVLJE V - PREVENTIVNO DJELOVANJE KOMUNALNIH POLICAJACA I KOMUNALNIH INSPEKTORA

Član 28.

(Preventivno djelovanje komunalnih policajca i komunalnih inspektora)

U vršenju komunalno policijskog i komunalno inspeksijskog nadzora komunalni policajci i komunalni inspektori poduzimaju preventivne mjere i radnje radi sprječavanja povrede zakona i drugih propisa, sprječavanja nastajanja štetnih posljedica i otklanjanja uzroka koji bi doveli do štetnih posljedica u cilju zaštite javnog interesa u komunalnoj djelatnosti.

Član 29.

(Preventivne mjere)

U preduzimanju preventivnih mjera, komunalni policajci i komunalni inspektori su dužni naročito da:

- a) upoznaju subjekte nadzora o obavezama iz zakona i drugih propisa i sankcijama u slučajevima njihovog nepridržavanja,
- b) upoznaju subjekte nadzora o pravima i obavezama koje imaju u postupku nadzora,
- c) ukazuju na štetne posljedice koje mogu nastati zbog nepridržavanja zakona i drugih propisa,
- d) daje informacije i savjete subjektima nadzora o djelotvornijem načinu izvršenja zakona i drugih propisa,
- e) predlaže mjere za otklanjanje uzroka koji mogu dovesti do štetnih posljedica i o tome donosi rješenje.

POGLAVLJE VI - POSTUPAK KOMUNALNO POLICIJSKOG I KOMUNALNO INSPEKCIJSKOG NADZORA

Član 30.

(Vođenje postupka komunalno policijskog i komunalno inspeksijskog nadzora)

- (1) Postupak komunalno policijskog i komunalno inspeksijskog nadzora pokreću komunalni policajci i komunalni inspektori po službenoj dužnosti.
- (2) Postupak se vodi u skladu sa Zakonom o inspekcijama Kantona Sarajevo, ovim zakonom i drugim propisima.

Član 31.

(Vršenje komunalno policijskog i komunalno inspeksijskog nadzora)

Komunalni policijac i komunalni inspektor Kantonalne uprave je samostalan u svom radu i poslove komunalnog policijskog i komunalnog inspeksijskog nadzora vrši prema, zaprimljenim prijavama, godišnjem programu rada i aktivnostima Kantonalne uprave, a određene komunalno policijske i komunalno inspeksijske preglede vrše na pismeni zahtjev

Vlade, ministra komunalne privrede, infrastrukture, prostornog uređenja, građenja i zaštite okoliša (u daljem tekstu: ministar) i Direktora.

Član 32.

(Nalog za vršenje komunalno policijskog i komunalno inspeksijskog nadzora)

- (1) Komunalno policijski nadzor vrši se na osnovu naloga za vršenje komunalno policijskog nadzora.
- (2) Komunalno inspeksijski nadzor vrši se na osnovu naloga za vršenje komunalno inspeksijskog nadzora.
- (3) Svakodnevni nalog komunalnim policajcima izdaje pomoćnik Direktora, a komunalnom inspektoru njegov neposredni rukovodilac. U slučaju iz člana 23. stav (2) ovog zakona, komunalni policajac je ovlašten da donese nalog za komunalno policijski nadzor na licu mjesta, na posebno utvrđenom obrascu kojeg će propisat Direktor.
- (4) Nalog se izdaje u pismenom obliku i sadrži: naziv Kantonalne uprave, broj naloga i datum izdavanja, ime i prezime komunalnog inspektora ili komunalnog policajca koji izdaje nalog ili njegovog neposrednog rukovodioca, naziv subjekta i objekta nad kojim se vrši nadzor, predmet komunalno policijskog i komunalno inspeksijskog nadzora, listu provjera - ček listu, ime i prezime komunalnog policajca ili komunalnog inspektora koji će izvršiti nadzor, naziv službenog vozila i registracijske oznake, datum početka vršenja komunalno policijskog i komunalno inspeksijskog nadzora, potpis lica koji je izdao nalog i otisak pečata, pouku subjektu nadzora da je ometanje komunalnog policajca i komunalnog inspektora u radu prekršaj.
- (5) Ako postoji potreba za poduzimanjem hitnih mjera zbog zaštite javnog interesa, komunalni inspektor i njegov neposredni rukovodilac može izdati usmeni nalog za vršenje komunalno policijskog i komunalno inspeksijskog nadzora, uz obavezu da se u roku od 24 sata od izdavanja usmenog naloga izda pismeni nalog koji će u novom roku od 24 sata biti predložen subjektu nadzora.

Član 33.

(Predočavanje naloga za vršenje komunalno policijskog i komunalno inspeksijskog nadzora)

- (1) Nalog za komunalno policijski i komunalno inspeksijski nadzor se po pravilu ne dostavlja niti predaje subjektu nadzora, nego mu se isti na njegov zahtjev predočava prilikom komunalno policijskog i komunalno inspeksijskog nadzora.
- (2) Protiv naloga za komunalno policijski i komunalno inspeksijski nadzor ne može se izjaviti žalba.

Član 34.

(Lista provjera – obim i složenost komunalno policijskog i komunalno inspeksijskog nadzora)

- (1) Lista provjera (ček lista) je lista sačinjena na osnovu ovog zakona i drugih propisa koja definiše konkretne predmete, pravni osnov, te mjere koje komunalni policajac i komunalni inspektor može poduzeti u skladu sa ovim zakonom i drugim propisima, u slučaju da prilikom komunalno policijskog i komunalno inspeksijskog nadzora konstatuje njihovu povredu.
- (2) Direktor donosi pravilnik o kriterijima za utvrđivanje obima i složenosti komunalno policijskog i komunalno inspeksijskog nadzora i rokove za njihovo izvršavanje u skladu

sa utvrđenom listom provjera (ček listama) i procjenom rizika postupanja subjekta nadzora.

Član 35.

(Predstavljanje komunalnog policajca i komunalnog inspektora subjektu nadzora)

- (1) Prije početka vršenja komunalnog policijskog i komunalno inspeksijskog nadzora komunalni policajci i komunalni inspektori su dužni da se predstave subjektu nadzora uz predočenu službenu iskaznicu i značku.
- (2) Komunalni policajci i komunalni inspektori su dužni prije utvrđivanja identiteta subjekta nadzora upoznati ga sa razlogom utvrđivanja njegovog identiteta.
- (3) Komunalni policajac i komunalni inspektori u vršenju svojih ovlašćenja utvrđuje identitet lica čije ponašanje ili djelovanje predstavlja narušavanje komunalnog reda, odnosno ometanje komunalnog policajca i komunalnog inspektora prilikom vršenja poslova iz okvira nadležnost komunalne policije i komunalne inspekcije, te u drugim slučajevima kad to nalaže vršenje poslova komunalne policije i komunalne inspekcije Kantonalne uprave.

Član 36.

(Mjesto, vrijeme vršenja i vrijeme trajanja komunalno policijskog i komunalno inspeksijskog nadzora)

- (1) Komunalno policijski i komunalno inspeksijski nadzor obavlja se po pravilu na mjestu gdje treba utvrditi činjenice o izvršavanju propisa na koji se odnosi komunalno policijski i komunalno inspeksijski nadzor.
- (2) Mjesto vršenja komunalno policijskog i komunalno inspeksijskog nadzora se po pravilu utvrđuje nalogom za vršenje komunalno inspeksijskog nadzora, a izuzetno, u zavisnosti od prijave utvrđuje se naknadno.
- (3) Komunalni policajci i komunalni inspektori mogu vršiti komunalno policijski i komunalno inspeksijski nadzor kod subjekta nadzora bez prethodne najave, u bilo koje doba dana i noći, u toku njegovog radnog vremena, a izuzetno i izvan radnog vremena ukoliko postoji opravdana potreba za vršenje komunalno policijskog i komunalno inspeksijskog nadzora.
- (4) Vršenje redovnog nadzora kod istog subjekta nadzora nije ograničeno brojem dana na godišnjem nivou.

Član 37.

(Dužnost omogućavanja rada komunalnim policajcima i komunalnim inspektorima)

- (1) Subjekt nadzora kao i svako drugo lice zatečeno u prostorijama subjekta nadzora za vrijeme vršenja komunalno policijskog i komunalno inspeksijskog nadzora ne smije sprječavati i otežavati vršenje nadzora komunalnim policajcima i komunalnim inspektorima.
- (2) Komunalni policajci i komunalni inspektori će u pisanoj formi ili zapisnikom zatražiti od subjekta nadzora da im u roku koji nalože dostave sva potrebna obavještenja, podatke i dokumentaciju od značaja za vršenje nadzora.

Član 38.

(Utvrđivanje podataka o subjektu nad kojim se vrši nadzor)

U komunalno policijskom i komunalno inspeksijskom nadzoru komunalni policajci i komunalni inspektori utvrđuju:

- a) identitet subjekta i to: identitet za fizičko lice, oblik organizovanja za pravno lice, podatke o odgovornom licu za zastupanje pravnog lica, prema aktu o osnivanju i upisu u sudski registar,
- b) posjedovanje propisane dokumentacije za obavljanje djelatnosti: rješenje o upisu u sudski ili drugi registar, rješenje za obavljanje djelatnosti, pravni osnov korištenja poslovnog prostora, i drugu dokumentaciju koju mora posjedovati u skladu sa relevantnim zakonima i propisima.

Član 39.

(Komunalno policijski zapisnik)

- (1) O izvršenom nadzoru komunalni policajci su obavezni sačiniti zapisnik i u njemu navesti utvrđeno činjenično stanje.
- (2) Obrazac zapisnika propisat će Direktor.
- (3) O manje važnim radnjama u postupku i izjavama subjekta nadzora kao i u slučaju nemogućnosti izvršenja komunalno policijskog nadzora, komunalni policajci sačinjavaju službenu zabilješku.

Član 40.

(Mjesto sačinjavanja zapisnika komunalnih policajaca)

- (1) Zapisnik se sačinjava na licu mjesta i tokom vršenja nadzora (ili pregleda) osim u slučaju da se radi o subjektu nadzora koji je u pokretu ili nema sjedište ili je sjedište subjekta nadzora nepoznato. Komunalni policajci će pisanim putem pozvati subjekta da u određeno vrijeme pristupi u prostorije sjedišta komunalne policije i donese traženu dokumentaciju.
- (2) U složenijem komunalno policijskom nadzoru kao i po pozivu komunalnih policajaca zapisnik se može sačiniti i u službenim prostorijama Kantonalne uprave u roku od tri dana od dana završenog nadzora.
- (3) Jedan primjerak zapisnika predaje se licu koje je zatečeno i prisustvovalo komunalno policijskom nadzoru odmah nakon sačinjavanja.
- (4) Lice koje je prisustvovalo nadzoru dužno je zapisnik potpisati i primiti što komunalni policajci zapisnički konstatuju.
- (5) Ukoliko lice prisutno nadzoru odbije potpisati zapisnik isto je dužno primjerak zapisnika primiti i uručiti odgovornom licu.

Član 41.

(Primjedbe na zapisnik)

- (1) Subjekt nadzora, odnosno odgovorno ili drugo ovlašteno lice ima pravo staviti primjedbe na zapisnik komunalnih policajaca u roku od pet dana od dana prijema zapisnika.
- (2) Primjedbe na zapisnik, odnosno izjava da nema primjedbi, unosi se u zapisnik.
- (3) Ako se primjedbe na zapisnik prilažu uz zapisnik one se trebaju potpisati od strane odgovornog lica odnosno lica koje je prisustvovalo i učestvovalo u komunalno policijskom nadzoru.
- (4) Ako ovlašteno lice ne stavi primjedbe na zapisnik u roku iz stava (1) ovog člana ili da pismenu izjavu da nema primjedbi, smatra se da isti nema primjedbi na zapisnik.

Član 42.

(Dokazna snaga zapisnika o komunalno policijskom nadzoru)

Zapisnik o komunalnom policijskom nadzoru se sastavlja prema pravilima upravnog postupka i ima snagu javne isprave.

Član 43.

(Obaveza čitanja zapisnika i razmatranje primjedbi na zapisnik)

- (1) Komunalni policajci su dužni pročitati sadržaj zapisnika subjektu nadzora.
- (2) Komunalni policajci će razmotriti date primjedbe na zapisnik o obavljenom komunalno policijskom nadzoru i prema potrebi upotpuniti zapisnik.
- (3) O primjedbama na zapisnik posebno se ne odlučuje već se ocjenjuju i obrazlažu u postupku donošenja upravnog akta.

Član 44.

(Samostalnost komunalnih policajaca kod prikupljanja dokaza i utvrđivanja činjeničnog stanja)

- (1) Prilikom vršenja komunalno policijskog nadzora komunalni policajci samostalno određuju koje će dokaze koristiti za utvrđivanje činjeničnog stanja.
- (2) Komunalni policajci će upoznati subjekta nadzora sa dokazima koji nisu pribavljeni kod njega i omogućiti mu da se o njima izjasni.

Član 45.

(Pomoć policije u obavljanju komunalnog policijskog nadzora)

- (1) Ako se u vršenju komunalno policijskog nadzora komunalnim policajcima onemogućí obavljanje nadzora ili u slučaju pružanja fizičkog otpora ili ako se otpor osnovano očekuje, komunalni policajci mogu zatražiti pomoć od nadležne policijske uprave.
- (2) Nadležna policijska uprava obavezna je pružiti potrebnu zaštitu i omogućiti da se obavi komunalno policijski nadzor i u slučajevima da ta zaštita nije ranije zatražena, sa obavezom Kantonalne uprave da naknadno u roku od 24 sata dostavi zahtjev za zaštitu u pisanom obliku.

Član 46.

(Privremeno oduzimanje predmeta prekršaja)

- (1) Komunalni policajci mogu u komunalno policijskom nadzoru privremeno oduzeti predmete sa kojima je učinjen prekršaj ili su nastali u izvršenju prekršaja.
- (2) O privremenom oduzimanju predmeta komunalni policajci izdaju potvrdu u kojoj će navesti šta je oduzeto, sa potpunom identifikacijom (naziv predmeta, vrsta, količina), datum, vrijeme i mjesto oduzimanja predmeta, lice od kojeg je predmet oduzet i ko je vlasnik predmeta.

Član 47.

(Postupak sa privremeno oduzetim predmetima)

- (1) Privremeno oduzeti predmeti predaju se na čuvanje Direkciji za robne rezerve Kantona Sarajevo do okončanja postupka pred nadležnim sudom.
- (2) Direkcija za robne rezerve Kantona Sarajevo je odgovorna za čuvanje privremeno oduzetih predmeta prekršaja.
- (3) Smještaj i čuvanje privremeno oduzetih predmeta prekršaja traje do pravosnažnosti sudske odluke ili konačne izvršnosti prekršajnog naloga, kojima je izrečena zaštitna mjera oduzimanja predmeta kojim je počinjen prekršaj.
- (4) Nakon pravosnažnosti sudskog rješenja, odnosno konačnosti i izvršnosti prekršajnog naloga privremeno oduzeti predmeti se prodaju, a novac ostvaren prodajom uplaćuje se u korist Budžeta Kantona Sarajevo.

Član 48.

(Učestvovanje subjekta nadzora u komunalno policijskom nadzoru)

- (1) Subjekt nadzora dužan je učestvovati u nadzoru.
- (2) Subjekt nadzora dužan je omogućiti komunalnim policajcima vršenje nadzora po nalogu za komunalno policijski nadzor ili na traženje komunalnih policajaca.
- (3) Komunalno policijski nadzor će se izvršiti u prisustvu odgovornog lica ili bilo kog zatečenog lica koje je radno angažovano kod subjekta nadzora.
- (4) Subjekt komunalno policijskog nadzora dužan je nadležnim komunalnim policajcima dati na uvid službenu dokumentaciju, tačne podatke koji su im potrebni za pravilno utvrđivanje svih činjenica i okolnosti, u vršenju komunalno policijskog nadzora odmah na licu mjesta.
- (5) Subjekt komunalno policijskog nadzora dužan je odazvati se pozivu komunalnih policajaca, (donijeti u roku koji mu je naložen u službene prostorije komunalne policije tražene podatke i dokumentaciju), kao i doći lično radi davanja potrebnih pojašnjenja u obavljenom komunalno policijskom nadzoru.
- (6) Izuzetno u slučajevima i pod uslovima određenim ovim zakonom ili drugim relevantnim propisom komunalni policajci mogu izvršiti nadzor i bez učestvovanja subjekta nadzora.

Član 49.

(Izjašnjenje subjekta nadzora o činjenicama i dokazima)

Tokom vođenja komunalno policijskog nadzora subjekt nadzora ima pravo da se izjasni o činjenicama i dokazima koji su izneseni u postupku nadzora.

Član 50.

(Pozivanje odgovornog i drugog lica)

- (1) Kad okolnosti nalažu komunalni policajci će pismeno pozvati odgovorno lice subjekta nadzora i svako drugo lice da pristupi u službene prostorije Kantonalne uprave, da u određeno vrijeme i određenog dana pristupi radi davanja izjave ili potrebnih podataka, ili da donese zatraženu dokumentaciju, relevantnu za pravilno utvrđivanje činjeničnog stanja od značaja za konkretan nadzor.
- (2) Lica iz stava (1) ovog člana mogu se pozvati u radne dane u okviru radnog vremena, a izuzetno, iz razloga hitnosti i u sve dane izvan radnog vremena.

- (3) Poziv se upućuje u pismenom obliku, a izuzetno i usmeno ili drugim sredstvima komuniciranja.

Član 51.

(Dužnost odazivanja pozivu)

Pozvana pravna i fizička lica, dužna su se odazvati pozivu Kantonalne uprave.

POGLAVLJE VII - UPRAVNE I DRUGE MJERE

Član 52.

(Upravne mjere u komunalno policijskom i komunalno inspeksijskom nadzoru)

- (1) Upravne mjere komunalni inspektor naređuje donošenjem pisanog rješenja. Osnov za donošenje rješenja predstavlja činjenično stanje konstatovano zapisnikom o izvršenom inspeksijskom nadzoru, u kojem je utvrđeno da je povrijeđen zakon ili drugi propis čije izvršenje nadzire. Komunalni inspektor ima ovlaštenje i obavezu da rješenjem naloži slijedeće upravne i druge mjere:
- a) naredi da se uočene nepravilnosti i nedostaci otklone,
 - b) naredi poduzimanje odgovarajućih radnji koje su subjekti nadzora dužni poduzeti,
 - c) zabrani subjektu nadzora preduzimanje radnji koje su u suprotnosti sa zakonom ili drugim propisom,
 - d) preduzme i druge upravne mjere i radnje koje određene Zakonom o inspekcijama Kantona Sarajevo i posebnim propisom.
- (2) Ako se, prema ocjeni komunalnog inspektora, nalaže upravna mjera koja se mora izvršiti odmah, ili se mora odmah započeti njeno izvršenje, komunalni inspektori će zapisnikom ili usmeno naložiti izvršenje iste.
- (3) Ako je, prema ocjeni komunalnih policajaca potrebno preduzeti hitne mjere i radnje na otklanjanju neposredne opasnosti po život i zdravlje ljudi i nastanak veće materijalne štete ili u cilju zaštite javnog interesa u komunalnoj djelatnosti, komunalni policajci će, u koordinaciji sa komunalnim inspektorom, usmeno ili zapisnikom naložiti upravnu mjeru ili drugu mjeru i istovremeno naložiti da se ista odmah izvrši. Ako je upravna mjera naložena usmeno, komunalni policajci su dužni sačiniti službenu zabilješku. Sačinjeni zapisnik ili službenu zabilješku komunalni policajci su dužni dostaviti komunalnom inspektoru u roku od 24 sata.

Član 53.

(Rok za donošenje rješenja za zapisnikom ili usmeno naloženu upravnu mjeru)

- (1) U slučaju kada komunalni inspektor zapisnikom ili usmeno naloži izvršenje upravne mjere koja je odmah izvršna, dužan je donijeti pismeno rješenje u roku od tri dana od dana zapisnikom ili usmeno naložene upravne mjere.
- (2) Komunalni inspektori su dužni u roku od tri dana od dana zaprimanja zapisnika ili službene zabilješke komunalnih policajaca o nalažanju upravne mjere koja je odmah izvršna, donijeti pismeno rješenje o hitno naloženoj mjeri i radnji.

Član 54.

(Pravni lijekovi protiv rješenja i zaključaka)

- (1) Subjekt komunalno inspekcijskog nadzora može izjaviti žalbu na rješenje komunalnog inspektora (na osnovu usmeno naložene mjere komunalnog policajca i komunalnog inspektora) o naloženim mjerama u roku od osam dana od dana prijema rješenja. Žalba se putem ovog organa dostavlja ministru.
- (2) Žalba na rješenje komunalnih inspektora (na osnovu usmeno naložene mjere komunalnog policajca i komunalnog inspektora) ne odlaže izvršenje rješenja na osnovu člana 44. Zakona o komunalnim djelatnostima.
- (3) Na mjeru izrečenu od strane komunalnog policajca, može se uložiti prigovor u pisanom obliku u roku od tri dana.
- (4) O uloženom prigovoru na izrečenu mjeru komunalnog policajca odlučuje Direktor.
- (5) Prigovor se dostavlja na protokol Kantonalne uprave.

Član 55.

(Odlučivanja po žalbama)

- (1) O žalbi na rješenje komunalnog inspektora (na osnovu usmeno naložene mjere komunalnog policajca i komunalnog inspektora) koje je donoseno po kantonalnim propisima, rješava Ministarstvo.
- (2) Žalbu na rješenje nadležni drugostepeni organ dužan je riješiti najkasnije u roku od 30 dana računajući od dana predaje žalbe.
- (3) Na rješenje drugostepenog organa donesenog po žalbi na rješenje, može se pokrenuti upravni spor pred nadležnim sudom.
- (4) Direktor odlučuje po prigovoru na izrečenu mjeru komunalnih policajaca.

POGLAVLJE VIII - IZVRŠENJE UPRAVNIH MJERA

Član 56.

(Postupanje po rješenju i izvršenje usmeno naložene mjere od strane komunalnog inspektora)

Subjekt nadzora je obavezan postupiti po rješenju komunalnog inspektora.

Član 57.

(Dužnost obavještavanja komunalnog inspektora o izvršenju rješenjem naložene mjere)

- (1) Kada se rješenjem naložena mjera sastoji od radnji koje subjekt nadzora mora izvršiti u određenom roku, subjekt nadzora dužan je o izvršenju tih radnji odmah u pismenom obliku obavijestiti komunalne inspektore koji su donijeli rješenje o izrečenoj mjeri, a najkasnije u roku od tri dana nakon što je rješenje postalo izvršno. Uz obavijest se prilažu i odgovarajući dokazi o izvršenju mjere.
- (2) Subjekt nadzora je dužan obavijestiti komunalne policajce i komunalne inspektore o provođenju drugih naloženih mjera.

Član 58.

(Praćenje izvršenja rješenjem naloženih mjera)

- (1) Komunalni policajci i komunalni inspektori prate izvršenja izrečenih mjera po službenoj dužnosti na osnovu obavljenog kontrolnog nadzora i drugih dokaza i saznanja o čemu sačinjava poseban zapisnik ili službenu zabilješku.
- (2) Ukoliko se radi o manje složenim predmetima ili kada se radi o izvršenju jedne radnje o izvršenju naložene mjere može se sačiniti službena zabilješka.

Član 59.

(Izvršnost rješenja)

Rješenje komunalnih inspektora kojim su naložene mjere postaje izvršno istekom roka za izvršenje radnje koja je naložena rješenjem.

Član 60.

(Produženje roka izvršenja upravne mjere)

- (1) Komunalni inspektori mogu, na zahtjev subjekta nadzora, produžiti rok izvršenja rješenjem naložene mjere ukoliko propisom na osnovu kojeg je mjera naložena, nije izričito propisana zabrana odgađanja izvršenja rješenja.
- (2) Izvršenje mjere može se produžiti do 30 dana, ako su ispunjeni sljedeći uslovi:
 - a) subjekt nadzora ima dokaz o registraciji i dozvolu za rad ili lokacijsku dozvolu,
 - b) subjekt nadzora je započeo sa izvršenjem upravne mjere,
 - c) da je subjekt nadzora podnio zahtjev za produženje roka prije isteka datog roka za izvršenje.
- (3) O zahtjevu za produženje roka za izvršenje naložene mjere odlučuju komunalni inspektori.

Član 61.

(Zaključak o dozvoli prisilnog izvršenja rješenja o upravnoj mjeri)

- (1) Kada subjekt nadzora u roku koji mu je određen nije izvršio rješenjem naloženu mjeru koja se sastoji u nenovčanoj obavezi ili je istu samo djelimično izvršio komunalni inspektori su dužni donijeti Zaključak o dozvoli prisilnog izvršenja rješenja kojim je upravna mjera određena, a u skladu sa Zakonom o inspekcijama Kantona Sarajevo.
- (2) Zaključak o dozvoli prisilnog izvršenja komunalni inspektori su dužni donijeti odmah po isteku roka za izvršenje rješenja ako utvrde da naložena upravna mjera nije izvršena kako je određena rješenjem, a najkasnije u roku od pet dana od dana kada je rješenje postalo izvršno.
- (3) Zaključak o dozvoli prisilnog izvršenja, donosi se i kada se usmeno određuju upravne mjere i kada je odmah naređeno njihovo izvršenje ako te mjere nisu izvršene.
- (4) Protiv zaključka o dozvoli prisilnog izvršenja je dozvoljena posebna žalba koja ne odlaže izvršenje, a koja se putem ovog organa dostavlja ministru.

Član 62.

(Sadržaj zaključka o dozvoli prisilnog izvršenja rješenja)

- (1) Zaključak o dozvoli prisilnog izvršenja rješenja sadrži podatke o:

- a) subjektu nadzora i zakonskom osnovu za donošenje zaključka o dozvoli prisilnog izvršenja rješenja,
 - b) rješenju koje se izvršava i konstatacija da subjekt nadzora nije postupio po rješenju u određenom roku,
 - c) postupku i načinu prisilnog izvršenja,
 - d) datumu, odnosno roku prisilnog izvršenja i službene organe koji će provesti prisilno izvršenje, odnosno asistirati prilikom prisilnog izvršenja,
 - e) uputstvo o pravnom lijeku,
 - f) potpis komunalnog inspektora i otisak pečata Kantonalne uprave.
- (2) Ako je neophodno, iz posebnih razloga zaštite javnog interesa, prisilno izvršenje se može provesti i na dan državnog praznika, nedjeljom i noću.
 - (3) Rok prisilnog izvršenja mora se odrediti tako da se sa izvršenjem počne najkasnije tri dana od dana uručenja zaključka o dozvoli prisilnog izvršenja rješenja subjektu nadzora i da se izvrši u roku od 15 dana od dana donošenja zaključka o dozvoli prisilnog izvršenja rješenja.
 - (4) Način prisilnog izvršenja i sredstva izvršenja moraju biti takvi da se izvršenje provede na način i po postupku koji je najpovoljniji za subjekt nadzora.
 - (5) Troškovi prisilnog izvršenja rješenja padaju na teret subjekta nadzora.

Član 63.

(Zapisnik o dozvoli prisilnog izvršenja rješenja)

- (1) O provedbi zaključka o dozvoli prisilnog izvršenja rješenja komunalni inspektor sačinjava zapisnik.
- (2) U zapisniku se utvrđuje činjenično stanje prisilnog izvršenja upravne mjere. Zapisnik se ulaže u spis predmeta, a jedan primjerak se uručuje subjektu nadzora.
- (3) Zapisnik je dokaz o toku i sadržaju radnji koje su provedene u postupku prisilnog izvršenja rješenja.

Član 64.

(Izvršenje upravne mjere prisilom sa novčanim kažnjavanjem)

- (1) Ako subjekt nadzora nije izvršio upravnu mjeru koja se sastoji u nenovčanoj obavezi, komunalni inspektori će mu izreći novčanu kaznu u visini od 50,00 KM radi prisiljavanja na izvršenje upravne mjere.
- (2) Istovremeno, sa izricanjem novčane kazne iz stava (1) ovog člana komunalni inspektori će subjektu nadzora odrediti novi rok za izvršenje uz prijetnju novom novčanom kaznom u visinu od 200,00 KM u slučaju neizvršenja.
- (3) Ako u ponovljenoj kontroli izvršenja rješenja subjekt nadzora ne izvrši upravnu mjeru koja mu je naložena rješenjem i novim rokom iz stava (2) ovog člana, komunalni inspektori će u tom, kao i svakom narednom nadzoru izreći novčanu kaznu koja je ne može biti veća od 500,00 KM.

Član 65.

(Uplata novčane kazne)

Uplata novčane kazne iz člana 64. ovog zakona se vrši na račun Budžeta Kantona Sarajevo.

Član 66.
(Obustava prisilnog izvršenja upravne mjere)

- (1) Komunalni inspektori obustavljaju postupak prisilnog izvršenja upravne mjere donesena zaključkom o dozvoli prisilnog izvršenja rješenja, ukoliko utvrde:
 - a) da je obaveza subjekta nadzora izvršena,
 - b) da je njeno izvršenje nemoguće zbog objektivnih okolnosti,
 - c) da se provodi prema licu koje nije u obavezi,
 - d) ako je upravni akt na osnovu kojeg je donesen zaključak o dozvoli prisilnog izvršenja rješenja poništen ili ukinut,
 - e) ako je izvršenje nemoguće zbog okolnosti izazvanih višom silom.
- (2) O obustavi prisilnog izvršenja upravne mjere koja je naložena zaključkom o dozvoli prisilnog izvršenja rješenja komunalni inspektori donose zaključak protiv kojeg nije dozvoljena žalba.

Član 67.
(Primjena zakona o upravnom postupku)

Na sva pitanja koja nisu uređena ovim zakonom, a tiču se vršenja upravnog postupka primjenjuju se odredbe Zakona o upravnom postupku Federacije Bosne i Hercegovine („Službene novine Federacije Bosne i Hercegovine“, br. 2/98 i 48/99).

Član 68.
(Saradnja sa kantonalnim, gradskim i općinskim inspekcijama)

- (1) Kantonalna uprava dužna je saradivati sa kantonalnim, gradskim i općinskim inspekcijama u pitanjima od značaja za efikasno vršenje nadzora nad primjenom komunalnih propisa i propisa kojim je prenesena nadležnost Kantona na Grad i općine.
- (2) U slučaju zaprimanja pisanog zahtjeva, prijave ili pritužbe koja se tiče oblasti za koju nije nadležna, Kantonalna uprava istu prosljeđuje nadležnoj inspekciji.
- (3) Odredbe stava (1) ovog člana ne odnose se na anonimne zahtjeve i predstavke, izuzev ukoliko takva predstavka sadrži dokaze koji upućuju na grubu povredu zakona.

Član 69.
(Saradnja Kantonalne uprave sa drugim organima)

- (1) Kantonalna uprava dužna je saradivati sa drugim državnim organima, pravnim licima, udruženjima, sredstvima javnog informisanja, građanima i drugim subjektima po pitanjima od značaja za efikasno provođenje propisa nad kojima vrše nadzor kao i radi sprječavanja i otklanjanja štetnih posljedica.
- (2) Komunalni policajci i komunalni inspektori dužni su obavijestiti nadležne organe ukoliko prilikom vršenja komunalno policijskog i komunalno inspeksijskog nadzora uoči određene nejasnoće ili nedostatke u primjeni kantonalnih zakona ili drugih propisa.

POGLAVLJE IX - UNUTRAŠNJA KONTROLA

Član 70.

(Pojam i provođenje unutrašnje kontrole)

- (1) Unutrašnja kontrola je skup postupaka uspostavljen za provjeru zakonitosti, pravilnosti, profesionalnosti i etičnosti rada komunalnih policajaca i komunalnih inspektora, kao i drugih državnih službenika i namještenika zaposlenih u Kantonalnoj upravi.
- (2) Unutrašnja kontrola obuhvata metode i postupke za praćenje procesa ostvarivanja postavljenih ciljeva te poduzimanje konkretnih mjera u slučajevima njihovog neostvarivanja.

Član 71.

(Osnovni ciljevi rada unutrašnje kontrole)

Osnovni ciljevi rada unutrašnje kontrole su:

- a) podizanje kvaliteta rada u Kantonalnoj upravi i poštivanje zakonskih i podzakonskih propisa,
- b) unapređenje internih postupaka i pravila,
- c) eliminisanje nepravilnog i neprofesionalnog rada zaposlenih,
- d) adekvatno reagiranje na predstavke u vezi rada i postupanja zaposlenika,
- e) sticanje povjerenja građana i pravnih lica,
- f) zaštita zaposlenika od neosnovanih pritužbi i predstavki,
- g) osiguranje pravilnog i jednoobraznog vođenja propisanih evidencija,
- h) poštivanje propisanih rokova za postupanje.

Član 72.

(Poslovi unutrašnje kontrole)

- (1) Poslovi unutrašnje kontrole su:
 - a) zaprimanje i razmatranje prijava i predstavki građana na rad zaposlenika Kantonalne uprave,
 - b) provjeravanje navoda iz prijava i predstavki i izvještavanje Direktora o utvrđenom činjeničnom stanju,
 - c) vršenje provjere blagovremenosti postupanja komunalnih policajaca i komunalnih inspektora po podnesenim zahtjevima za vršenje komunalno policijskog i komunalno inspeksijskog nadzora,
 - d) sačinjavanje informacija o postupanju komunalnih policajaca i komunalnih inspektora i ukazivanje na eventualne propuste u radu,
 - e) praćenje blagovremenog izdavanja upravnih mjera i izvršenja mjera i pokretanje prekršajnog postupka i izdavanje prekršajnog naloga,
 - f) vršenje provjera i prikupljanje činjenica i dokaza kod nastupanja materijalne štete u vršenju državne službe od strane komunalnih policajaca, komunalnih inspektora, državnih službenika i namještenika te izvještavanje Direktora o visini pričinjene štete, okolnostima pod kojima je šteta učinjena odnosno krivice zaposlenika za učinjenu štetu,
 - g) vršenje provjera i prikupljanje činjenica i dokaza po zahtjevu Direktora u slučajevima kada postoje indicije ili saznanja o povredi službene dužnosti od strane komunalnog policajca, komunalnog inspektora, državnog službenika ili namještenika, a prije eventualnog podnošenja disciplinske prijave od strane Direktora,
 - h) praćenje pravilnosti korištenja službenih vozila i opreme,

- i) kontrola pravilnosti izvještavanja o službenim putovanjima i realizaciji naloga za službena putovanja,
 - j) praćenje poštivanja radnog vremena od strane zaposlenika,
 - k) praćenje ažurnosti vođenja evidencija o izvršenom komunalno policijskom i komunalno inspekcijskom nadzoru,
 - l) saradnja sa Uredom za borbu protiv korupcije i upravljanje kvalitetom Kantona Sarajevo,
 - m) priprema dokumenata i provođenje aktivnosti za borbu protiv korupcije u Kantonalnoj upravi kao i drugi poslovi propisani pravilnikom o unutrašnjoj organizaciji.
- (2) Organizacija unutrašnje kontrole i postupak provođenja unutrašnje kontrole uređuju se pravilnikom o unutrašnjoj kontroli.
- (3) Direktor će pravilnik iz stava (2) ovog člana donijeti u roku od 30 dana od dana stupanja na snagu ovog zakona.

Član 73.

(Vršenje unutrašnje kontrole)

Unutrašnju kontrolu u Kantonalnoj upravi sprovodi Sektor unutrašnje kontrole kojim rukovodi pomoćnik Direktora.

POGLAVLJE X. - PREKRŠAJI I KAZNE ODREDBE

Član 74.

(Nadzor nad primjenom i provođenje zakona)

- (1) Nadzor nad primjenom i provođenjem ovog zakona vrši Ministarstvo.
- (2) Komunalno policijski i komunalno inspekcijski nadzor nad provođenjem ovog zakona vrši Kantonalna uprava.

Član 75.

(Prekršaji i prekršajne kazne)

- (1) Subjekti komunalno policijskog i komunalno inspekcijskog nadzora će za prekršaje učinjene tokom vođenja komunalno policijskog i komunalno inspekcijskog nadzora biti sankcionisani u skladu sa članom 109. Zakona o inspekcijama Kantona Sarajevo.
- (2) Novčanom kaznom u iznosu od 3.000,00 KM do 15.000,00 KM kaznit će se za prekršaj pravno lice ako:
 - a) odbija saradnju sa komunalnim policajcima i komunalnim inspektorima u postupku poduzimanja preventivnih mjera i radnji i ne postupi po rješenju komunalnih inspektora prilikom poduzimanja preventivnih mjera (član 29. tačka e) ovog zakona),
 - b) ne sudjeluje u vršenju komunalno policijskog i komunalno inspekcijskog nadzora (član 48. stav (1) ovog zakona),
 - c) sprječavaju ili otežavaju komunalnim policajcima i komunalnim inspektorima vršenje nadzora (član 48. stav (2) ovog zakona),
 - d) onemogućiti komunalne policajce i komunalne inspektore u vršenju komunalno policijskog i komunalno inspekcijskog nadzora (član 48. stav (2) ovog zakona),
 - e) ne da na uvid poslovne knjige i drugu službenu dokumentaciju, ažurne i tačne podatke (član 48. stav (4) ovog zakona),

- f) ako subjekt nadzora ne da na uvid službenu dokumentaciju, tačne podatke koji su im potrebni za pravilno utvrđivanje svih činjenica i okolnosti u vršenju komunalno policijskog nadzora odmah na licu mjesta (član 48. stav (5) ovog zakona),
- g) se ne odazove pozivu komunalnih policajaca ili komunalnih inspektora da u roku koji mu je naložen donese u službene prostorija organa tražene podatke ili dokumentaciju ili da dođe lično radi davanja pojašnjenja, a vezano za vršenje nadzora (član 50. stav (2) ovog zakona),
- h) u ostavljenom roku ne izvršiti komunalne inspektore o izvršenju upravne mjere (član 57. stav (1) ovog zakona),
- i) ne postupi po rješenju komunalnih inspektora i ne izvrši upravnu mjeru koja mu je rješenjem naložena u roku utvrđenom u rješenju (član 61. stav (1) ovog zakona).
- (3) Za prekršaj iz stava (2) ovog člana kaznit će se i odgovorno lice u pravnom licu novčanom kaznom u iznosu od 1.000,00 KM do 3.000,00 KM.
- (4) Za prekršaj iz stava (2) ovog člana kaznit će se i fizičko lice – poslodavac novčanom kaznom u iznosu od 1.000,00 KM do 1.500,00 KM.
- (5) Za prekršaj iz stava (2) ovog člana kaznit će se i fizičko lice – poslodavac koje obavlja određenu djelatnost bez rješenja (dozvole) nadležnog organa, novčanom kaznom u iznosu od 1.000,00 KM do 1.500,00 KM.
- (6) Za prekršaj iz stava (2) ovog člana kaznit će se i fizičko lice – građanin novčanom kaznom u iznosu od 500,00 KM do 1.000,00 KM.
- (7) Novčanom kaznom u iznosu od 300,00 KM do 1.500,00 KM kaznit će se za prekršaj fizičko lice koje je prisustvovalo komunalno policijskom i komunalno inspeksijskom nadzoru, a zapisnik nije dostavio odgovornom licu u subjektu nadzora iz član 40. stav (5) ovog zakona.
- (8) Za prekršaj neizvršenje upravne mjere prisilom sa novčanim kažnjavanjem iz člana 64. stav (3) ovog zakona kaznit će se pravno lice novčanom kaznom u iznosu od 5.000,00 do 15.000,00 KM.
- (9) Za prekršaj iz člana 64. stav (3) ovog zakona kaznit će se odgovorno lice u pravnom licu novčanom kaznom u iznosu od 2.000,00 do 3.000,00 KM.
- (10) Za prekršaj iz člana 64. stav (3) ovog zakona, kaznit će se fizičko lice registrovano kod nadležnog organa za obavljanje određene djelatnosti novčanom kaznom u iznosu od 1.200,00 do 1.500,00 KM.
- (11) Za prekršaj iz člana 64. stav (3) ovog zakona, kaznit će se fizičko lice građanin novčanom kaznom u iznosu od 500,00 do 1.500,00 KM.

Član 76.

(Prekršaji i kazne za postupanje komunalnih inspektora)

Za učinjene prekršaje komunalni inspektori bit će kažnjeni novčanom kaznom u skladu sa odredbama Zakona o inspekcijama Kantona Sarajevo.

Član 77.

(Disciplinska odgovornost komunalnih inspektora i komunalnih policajaca)

- (1) Komunalni inspektori odgovaraju disciplinski za učinjene povrede službene dužnosti utvrđene odredbama Zakona o državnoj službi u Kantona Sarajevo i propisima donesenim na osnovu tog zakona.
- (2) Komunalni policajci odgovaraju disciplinski za učinjene povrede službene dužnosti utvrđene odredbama Zakona o državnoj službi u Kantonu Sarajevo, Zakona o

namještenicima u organima državne službe u Federaciji Bosne i Hercegovine („Službene novine Federacije BiH“, br. 49/05 i 103/21), i propisima donesenim na osnovu tih zakona.

- (3) Pored utvrđenih povreda službene dužnosti lake povrede za komunalne policajce su i nenošenje ili neuredno nošenje službene uniforme, sredstava za rad i neuredan lični izgled.
- (4) Teške povrede službene dužnosti za komunalne policajce su:
- a) nezakonita upotreba sredstava prinude,
 - b) davanje podataka neovlaštenim licima,
 - c) iznošenje neistinitih podataka o Kantonalnoj upravi,
 - d) samovoljno napuštanje radnog mjesta,
 - e) samovoljno napuštanje službenih prostorija ili mjesta određenog za nadzor,
 - f) izdavanje ili izvršavanje naređenja kojim se protivpravno ugrožava bezbjednost lica ili imovine,
 - g) svaka radnja odnosno propuštanje radnje kojom se onemogućava, ometa ili otežava izvršavanje službenih zadataka,
 - h) gubljenje ili oštećenje tehnike, opreme ili sredstava sa kojima je komunalni policajac zadužen ili ih koristi u obavljanju službenih zadataka,
 - i) nepreduzimanje mjera ili nepružanje pomoći u okviru svojih službenih obaveza drugim organima uprave,
 - j) protivpravno pribavljanje lične ili imovinske koristi za sebe ili drugog u vezi sa obavljanjem službenih zadataka,
 - k) izdavanje naređenja čije bi izvršenje predstavljalo krivično djelo,
 - l) prikrivanje izvršenja teže povrede službene dužnosti od strane neposrednog rukovodioca,
 - m) davanje izjava i saopštenja bez odobrenja Direktora ili lica koje on ovlasti,
 - n) nepodvrgavanje vanrednom kontrolnom zdravstvenom pregledu,
 - o) svaki vid korupcije,
 - p) nošenje uniforme van radnog vremena bez saglasnosti Direktora.
- (5) Ostale lakše i teže povrede službene dužnosti određene su zakonskim i podzakonskim aktima koji se odnose na državne službenike i namještenike.
- (6) Za povrede službene dužnosti iz stava (4) ovog člana, državnim službenicima i namještenicima se mogu izreći disciplinske mjere propisane zakonskim i podzakonskim aktima koji se odnose na državne službenike i namještenike.
- (7) Sve izrečene mjere i kazne se evidentiraju u personalnom dosjeu državnog službenika i namještenika.

Član 78.

(Sredstva za finansiranje rada Kantonalne uprave)

Sredstva za finansiranje rada Kantonalne uprave, nabavka sredstava za rad i opreme obezbjeđuju se iz Budžeta Kantona Sarajevo.

Član 79.

(Posebni uslovi rada)

- (1) Zbog posebnih uslova rada, težine i prirode posla i odgovornosti za obavljanje poslova Kantonalne uprave iz člana 11. ovog zakona, za Direktora, sekretara, pomoćnike Direktora, šefove odjeljenja, glavnog inspektora, inspektore i komunalne policajce, plaća se uvećava u iznosu od 30% od osnovne plaće, a za ostale državne službenike i namještenike Kantonalne uprave uvećanje plaće će se utvrditi pravilnikom o plaćama i naknadama Kantonalne uprave,

a sve na osnovu člana 22. st. (1) tačka c) i (3) Zakona o plaćama i naknadama u organima vlasti Kantona Sarajevo („Službene novine Kantona Sarajevo“, broj: 5/19).

POGLAVLJE XI - PRIJELAZNE I ZAVRŠNE ODREDBE

Član 80.

(Zakonski osnov za preuzimanje komunalnih inspektora iz Kantonalne uprave za inspekcijske poslove Kantona Sarajevo)

U skladu sa članom 111. stav (1) Zakona o inspekcijama Kantona Sarajevo, formira se Kantonalna uprava u čiji sastav će biti uključeni kantonalni komunalni inspektori preuzeti iz Kantonalne uprave za inspekcijske poslove Kantona Sarajevo.

Član 81.

(Javnost rada Kantonalne uprave)

- (1) Javnost rada ostvaruje se podnošenjem izvještaja o radu Vladi i Skupštini Kantona Sarajevo, davanjem obavještenja putem konferencija za štampu, putem medija te objavljivanjem određenih podataka na web stranici Kantonalne uprave.
- (2) Obavještenja i podatke o radu Kantonalne uprave u sredstvima javnog informisanja daje Direktor ili ovlaštena osoba, uz prethodno odobrenje Direktora.
- (3) Javnost rada Kantonalne uprave ostvaruje se u skladu sa Zakonom o slobodi pristupa informacijama u Federaciji Bosne i Hercegovine („Službene novine Federacije BiH“, br. 32/01 i 48/11) i Uputstvom za provođenje Zakona o slobodi pristupa informacijama u Federaciji Bosne i Hercegovine („Službene novine Federacije BiH“, broj 57/01).

Član 82.

(Donošenje pravilnika i drugih općih akata)

Direktor uprave donijet će u roku od 30 dana pravilnik o unutrašnjoj organizaciji Kantonalne uprave, a druge provedbene akte u roku od 90 dana od dana stupanja na snagu ovog zakona.

Član 83.

(Imenovanje Direktora)

Vlada Kantona Sarajevo će na prijedlog Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo za potrebe vršenja poslova iz djelokruga Kantonalne uprave u roku od 15 dana od dana stupanja na snagu ovog zakona imenovati vršioca dužnosti Kantonalne uprave na period do okončanja konkursne procedure za imenovanje Direktora.

Član 84.

(Saradnja kantonalnih organa sa Kantonalnom upravom)

Svi organi na nivou Kantona dužni su odmah pružiti saradnju i preduzeti sve aktivnosti unutar svoje nadležnosti kako bi se u što kraćem roku osigurali svi potrebni preduslovi za uspostavu i funkcionalan rad Kantonalne uprave.

Član 85.

(Komunalno inspekcijski postupak započet prije dana stupanja na snagu ovog zakona)

Komunalno inspekcijski postupak započet prema propisima koji su bili na snazi prije stupanja na snagu ovog zakona završit će se prema tim propisima.

Član 86.
(Ravnopravnost spolova)

Gramatička terminologija korištena u ovom zakonu podrazumijeva uključivanje i ravnopravnu upotrebu riječi oba spola.

Član 87.
(Prestanak rada Službe komunalnih redara KJKP „Rad“ d.o.o. Sarajevo i KJKP „Park“ d.o.o. Sarajevo)

- (1) Služba komunalnih redara KJKP „Rad“ d.o.o. Sarajevo i Služba komunalnih redara KJKP „Park“ d.o.o. Sarajevo, prestaje sa radom šest mjeseci nakon stupanja na snagu ovog zakona.
- (2) Pravilnik o zadacima i načinu obavljanja dužnosti komunalnih redara, načinu odijevanja, obliku i sadržaju legitimacije komunalnog redara („Službene novine Kantona Sarajevo“, broj 4/17) prestaje važiti, šest mjeseci nakon stupanja na snagu ovog zakona.
- (3) Nakon stupanja na snagu ovog zakona u prelaznom roku od šest mjeseci Kantonalna uprava će preuzeti nadležnost nad primjenom Zakona o komunalnoj čistoći.
- (4) KJKP „Rad“ d.o.o. Sarajevo i KJKP „Park“ d.o.o. Sarajevo su nakon prestanka rada službi komunalnih redara dužni rasporediti uposlenike istih na druga radna mjesta, a u skladu sa stručnom spremom i drugim propisanim uslovima.

Član 88.
(Izmjene i dopune zakona i drugih propisa uvjetovane donošenjem ovog zakona)

- (1) Propisi u kojima će biti izvršene izmjene i dopune uvjetovane donošenjem ovog zakona su:
 - a) Zakon o ministarstvima i drugim organima uprave Kantona Sarajevo („Službene novine Kantona Sarajevo“, broj 36/21),
 - b) Zakon o komunalnim djelatnostima („Službene novine Kantona Sarajevo“, broj 14/16, 43/16, 10/17 – Ispravka, 19/17, 20/18 i 22/19),
 - c) Zakon o komunalnoj čistoći („Službene novine Kantona Sarajevo“, br. 14/16, 43/16, 19/17, 20/18 i 22/19),
 - d) Zakon o uređenju saobraćaja na području Kantona Sarajevo („Službene novine Kantona Sarajevo“, broj 30/17, 46/17 i 1/22),
 - e) Zakon o obavezama i ovlaštenjima kontrolora operatera javnog prijevoza putnika u Kantonu Sarajevo („Službene novine Kantona Sarajevo“, broj 37/14),
 - f) Uredba o uređivanju i održavanju zelenih i rekreativnih površina u Kantonu Sarajevo („Službene novine Kantona Sarajevo“, broj 52/20),
 - g) Uredba o snabdijevanju prirodnim gasom Kantona Sarajevo („Službene novine Kantona Sarajevo“, broj 22/16),
 - h) Uredba o opštim uslovima za proizvodnju i isporuku i korištenje toplotne energije („Službene novine Kantona Sarajevo“, broj 22/16),
 - i) Uredba o održavanju javne rasvjete („Službene novine Kantona Sarajevo“, broj 22/16),
 - j) Uredba o opštim uslovima za snabdijevanje vodom za piće, obradu i odvođenje otpadnih i atmosferskih voda („Službene novine Kantona Sarajevo“, broj 22/16),

- k) Odluka o uslovima i načinu prokopavanja javnih površina na području Kantona Sarajevo („Službene novine Kantona Sarajevo“, br. 16/04, 22/05 i 30/08),
 - l) Odluka o zaštiti i poboljšanju kvaliteta zraka u Kantonu Sarajevo („Službene novine Kantona Sarajevo“, broj 23/16),
 - m) Plan interventnih mjera u slučajevima prekomjerne zagađenosti zraka u Kantonu Sarajevo („Službene novine Kantona Sarajevo“, broj 52/21),
 - n) Uredba o organizaciji parkiranja javnim parking površinama, parking zonama, izgradnji novih parkinga i organizaciji jedinstvenog sistema naplate parkiranja („Službene novine Kantona Sarajevo“, broj 52/18),
 - o) Uredba o načinu postavljanja tabli prilikom izvođenja radova na području Kantona Sarajevo („Službene novine Kantona Sarajevo“, broj 6/98).
- (2) Nakon stupanja na snagu ovog zakona u roku od šest mjeseci potrebno je izvršiti izmjene i dopune propisa iz stava (1) ovog člana.

Član 89.
(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“.

Broj:
Sarajevo,

**Predsjedavajući
Skupštine Kantona Sarajevo**

Elvedin Okerić

OBRAZLOŽENJE

- PRAVNI OSNOV

Pravni osnov za donošenje Prijedloga Zakona o komunalnoj policiji sadržan je u članu 12. tačka e. i članu 18. tačka b. Ustava Kantona Sarajevo ("Službene novine Kantona", br. 1/96, 2/96 – Ispravka, 3/96 – Ispravka, 16/97, 14/00, 4/01, 28/04, 6/13 i 31/17), kojima je utvrđeno da Kanton Sarajevo ima sve nadležnosti koje nisu izričito povjerene federalnoj vlasti ili koje ne spadaju u vlastite nadležnosti jedinica lokalne samouprave, a posebno je nadležan, pored ostalih utvrđenih nadležnosti, za utvrđivanje politike koja se tiče reguliranja i osiguravanja javnih službi. Skupština Kantona Sarajevo je nadležna da donosi zakone i druge propise iz nadležnosti Kantona, izuzev propisa koji su Ustavom ili zakonom dati u nadležnost Vlade Kantona. Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst i 37/14 – Ispravka) Vlada Kantona Sarajevo, na 40. sjednici održanoj dana 09.09.2021. godine, donijela je Rješenje broj: 02-04-33414-10/21, koje je stupilo na snagu danom donošenja, o formiranju interresorne radne grupe za izradu Zakona o komunalnoj policiji Kantona Sarajevo, Zadatak interresorne radne grupe je izrada radnog materijala, nacрта i prijedloga Zakona o komunalnoj policiji Kantona Sarajevo.

Skupština Kantona Sarajevo je na 52. Radnoj sjednici održanoj dana 16.05.2022. godine Zaključkom broj: 01-02-20203/22 između ostalog utvrdila Nacrt Zakona o komunalnoj policiji Kantona Sarajevo uputila u javnu raspravu u trajanju od 60 dana s tim da javnu raspravu organizuje i provodi Vlada Kantona Sarajevo.

- RAZLOZI ZA DONOŠENJE

Ovim Prijedlogom Zakona propisuje se osnivanje Kantonalne uprave za komunalne poslove u Kantonu Sarajevo. Ovaj zakon ima važnu ulogu u očuvanju i unapređenju dostignutog kvaliteta i nivoa obavljanja komunalnih djelatnosti koje obezbjeđuje Kanton Sarajevo, promoviranje opšte prihvaćenih vrijednosti zajednice, zaštite prava građana i utvrđivanje njihovih obaveza. Ovaj zakon je dio pravnog sistema Kantona Sarajevo i uzajamno je vezan za Zakon o komunalnim djelatnostima ("Službene novine Kantona Sarajevo", br. 14/16, 43/16, 10/17- Ispravka, 19/17, 20/18 i 22/19), Zakon o komunalnoj čistoći ("Službene novine Kantona Sarajevo", br. 14/16, 43/16, 19/17, 20/18 i 22/19) i Zakon o inspekcijama Kantona Sarajevo ("Službene novine Kantona Sarajevo", br. 2/17 i 37/21). Ovaj zakon na djelotvoran, pravičan, lako razumljiv, pristupačan i provodiv način pomaže održavanju i unapređenju komunalnog reda na području Kantona Sarajevo, a naročito omogućava planiranje aktivnosti i predvidivo postupanje kantonalnih komunalnih policajaca prilikom vršenja nadzora. Donošenjem ovog zakona Kanton Sarajevo bi uticao na određeno ponašanje građana i pravnih lica, a koje se smatra neadekvatnim, kroz uvođenje direktnih mjera za sankcionisanje. Mjere se ogledaju u kažnjavanju lica u prekršaju izdavanjem prekršajnog naloga, te provođenjem indirektnih mjera koje podrazumijevaju prisustvo komunalnih policajaca na terenu svakodnevno 24 sata dnevno i svih sedam dana u sedmici, kao i primjenu preventivno-edukativnih mjera sve s ciljem postizanja željenih rezultata i efikasnog provođenja komunalnih djelatnosti koje obezbjeđuje Kanton Sarajevo. Postojeća zakonska rješenja takođe nisu u skladu sa normama ponašanja u Evropskoj uniji, te su zbog

osporavanja Kantonu Sarajevo da uređuje oblast komunalnih djelatnosti zastarjela, loše izrađena i time pružaju priliku licima u prekršaju da uopće ne budu sankcionisana radi društveno problematičnog ponašanja. Loša povezanost i nedostatak koordinacije postojećih službi, nesrazmjernost u broju izvršilaca i neefikasnost postojećih službi komunalnih redara, komunalnih preduzeća i kantonalnih komunalnih inspektora takođe je uzrokovalo trenutno nezadovoljavajuće stanje. Donošenjem Zakona o komunalnoj policiji, komunalni policajci će kao i komunalni inspektori, u skladu sa svojim ovlaštenjima, biti u mogućnosti da izdaju prekršajni nalog kada uoče i utvrde prekršaj iz oblasti komunalne čistoće, čime će na efikasan način biti znatno skraćena procedura vođenja prekršajnog postupka i njegovo okončanje izdavanjem prekršajnog naloga (pa čak i na licu mjesta), što će rezultirati većim brojem izdatih prekršajnih naloga kao i boljim održavanjem komunalnog reda na području Kantona Sarajevo, što je u konačnici javni interes svih građana Kantona. Takođe je važno istaći da će kantonalna komunalna policija i komunalna inspekcija doprinjeti efikasnijem punjenju Budžeta Kantona Sarajevo i budžetima nižih organa vlasti. Prilikom donošenja samog Nacrta Zakona o komunalnoj policiji Kantona Sarajevo obavljene su konsultacije sa predstavnicima Ministarstva komunalne privrede i infrastrukture, prostornog uređenja, građenja i zaštite okoliša Kantona Sarajevo, Kantonalne uprave za inspekcijske poslove Kantona Sarajevo, Ministarstva pravde i uprave Kantona Sarajevo, Ministarstva unutrašnjih poslova Kantona Sarajevo, predstavnicima KJKP "RAD" d.o.o. Sarajevo, KJKP "PARK" d.o.o. Sarajevo, kao i Službama komunalnih redara ovih preduzeća, predsjednikom sindikata policijskih službenika MUP- a Kantona Sarajevo, profesorom sa Fakulteta sporta i tjelesnog odgoja Univerziteta u Sarajevu. Izradi ovog zakona je predhodila analiza potaknuta dugotrajnim nezadovoljstvom građana Kantona Sarajevo, izraženog kroz mnogobrojne prijave građana upućene kantonalnoj komunalnoj inspekciji i Službama komunalnih redara komunalnih preduzeća, u vezi lošeg kvaliteta provođenja komunalne djelatnosti "održavanje čistoće na javnim površinama", kao i čestim pritužbama korisnika komunalnih usluga u vezi sa provođenjem komunalne djelatnosti, "prikupljanje i odvoz komunalnog otpada iz stambenih zgrada, poslovnih zgrada i poslovnih prostora na deponiju" i opravdanim primjedbama građana, a pogotovo stanovnika naselja oko centralne deponije otpada "Smiljevići", na način provođenja komunalne djelatnosti "odlaganje komunalnog otpada na glavnu sanitarnu deponiju". Nakon konstatacije da u radu Službi komunalnih redara komunalnih preduzeća i u njihovoj koordinaciji sa kantonalnom komunalnom inspekcijom stvarno postoje problemi, da i zbog toga građani ne poštuju pozitivne propise, kao i da društvena zajednica to tretira kao problematično ponašanje. Navedeno se najčešće ogleda u činjenju raznih prekršaja, kao što su parkiranje vozila na javnu zelenu površinu, parkiranje vozila uz posude za odlaganje komunalnog otpada, na način da se onemogućava njihovo pražnjenje, odlaganje kućnog i kabastog otpada na javnu površinu kao i na mjesta gdje je to dozvoljeno, ali je prekršaj kada se to čini van za to određenih termina. Takođe je uočeno da pravna lica najčešće čine prekršaje odlaganja kućnog smeća i otpada iz procesa rada na javnu površinu i prljaju javne saobraćajne površine iznošenjem blata na točkovima kamiona prilikom njihovog izlaska sa gradilišta. Istovremeno je konstatovano da su česti prekršaji u vezi plakatiranja, odnosno postavljanja plakata na mjesta koja nisu predviđena u tu svrhu, što je naročito izraženo u vrijeme odvijanja izbornog procesa. Iako je za navedene prekršaje i sada predviđena sankcija, zbog neefikasnosti postojećih Službi komunalnih redara komunalnih preduzeća, kao i trenutno malog broja komunalnih inspektora u Kantonalnoj upravi za inspekcijske poslove Kantona Sarajevo, često dolazi do situacije da se lica u prekršaju ne sankcionišu u zakonom predviđenom roku.

Navedeno, uz nemogućnost donošenja novih propisa iz ove oblasti, predhodno usaglašenih sa nižim nivoima vlasti i kojima bi na savremen i efikasan način bila regulisala komunalna djelatnost, uz puno poštivanje principa lokalne samouprave, je doprinijelo da se pozitivni propisi gotovo i neprimjenjuju. Stanje komunalne čistoće je sve gore, uzaludno se pojačano angažuju sredstva i dodatno troši novac, što u konačnici kod stanovnika Kantona Sarajevo može potencijalno stvoriti negativnu sliku o kredibilnosti vlasti. Zakon o komunalnim djelatnostima u cjelosti određuje komunalne djelatnosti, načela, način obavljanja i finansiranja, kao i pružanje komunalnih usluga od interesa za fizička i pravna lica, te finansiranje građenja i održavanja objekata i uređaja komunalne infrastrukture kao cjelovitog sistema na području Kantona Sarajevo te druga pitanja od značaja za uspješno obavljanje komunalnih djelatnosti na području Kantona Sarajevo. Zakon o komunalnim djelatnostima taksativno nabraja 14 komunalnih djelatnosti čije obavljanje obezbjeđuje Kanton Sarajevo, te precizira da su komunalne djelatnosti od javnog interesa i obavljaju se kao javne službe. Kanton, Grad i općine, pravna i fizička lica koja obavljaju komunalne djelatnosti, obavezni su na osnovu ovog Zakona i posebnih propisa osigurati trajno i kvalitetno obavljanje komunalnih djelatnosti, osigurati održavanje komunalnih objekata i uređaja u stanju funkcionalne sposobnosti, poduzimati mjere za očuvanje i zaštitu okoliša i osigurati javnost i transparentnost rada. U članu 7. Zakona o komunalnim djelatnostima Kantona Sarajevo su navedene komunalne djelatnosti koje obezbjeđuje Kanton Sarajevo i koje, kao opšte korisne djelatnosti predstavljaju sistemsku cjelinu organizovanja i vršenja putem državnih službi i za to posebno organizovanih samostalnih organizacija koje su prihvaćene, podržavane i kontrolisane od strane državne zajednice. U komunalne djelatnosti koje obezbjeđuje Kanton Sarajevo spada i komunalna djelatnost "održavanje čistoće na javnim površinama", koja podrazumijeva čišćenje i pranje asfaltiranih, betonskih, popločanih i zelenih javnih površina, prikupljanje i odvoženje komunalnih otpadaka sa tih površina, te uklanjanje snijega i leda, zatim komunalna djelatnost "prikupljanje i odvoz komunalnog otpada iz stambenih, poslovnih zgrada i poslovnih prostora na deponiju", koja podrazumijeva prikupljanje komunalnog otpada na za to predviđenim mjestima i njegovo odvođenje na uređena odlagališta, te komunalna djelatnost "odlaganje komunalnog otpada na glavnu sanitarnu deponiju", koja podrazumijeva obrađivanje i trajno odlaganje komunalnog otpada na deponiju, otvaranje, saniranje i zatvaranje deponije po posebnim propisima. Članom 42. Zakona o komunalnim djelatnostima, je određeno da inspeksijski nadzor nad provođenjem odredaba ovog zakona i posebnih propisa iz člana 4., stav (20). ovog zakona vrši komunalni inspektor Kantona, Grada, odnosno općine, svaki u okviru svoje nadležnosti, te da kantonalni komunalni inspektor obavlja poslove iz oblasti komunalnih djelatnosti utvrđenih u članu 7. ovog zakona. Takođe je navedeno da komunalnom inspektor u vršenju inspeksijskog nadzora nad provođenjem ovog zakona i posebnih propisa iz člana 4., stav (20) ovog zakona pomaže komunalni redar u skladu sa posebnim propisima. U skladu sa nevedenim potrebno je isto načelo primjeniti i na komunalne inspektore Kantona Sarajevo te navesti da Kantonalnim komunalnim inspektorima umjesto komunalnih redara pomažu komunalni policajci. Zakonom o komunalnoj čistoći se u cjelosti uređuje oblast komunalne čistoće, utvrđuju obaveze preduzeća i drugih pravnih lica i građana u održavanju komunalne čistoće, način finansiranja i druga pitanja od značaja za održavanje komunalne čistoće na teritoriji Kantona Sarajevo, te se određuje što se smatra komunalnom čistoćom u smislu ovog zakona, definišu se javne površine i u čijoj je nadležnosti održavanje komunalne čistoće, propisuje nadležnost kantonalnog organa nadležnog za komunalne poslove da utvrdi Program

održavanja komunalne čistoće na području 4 Kantona, propisuje obavezu da se Program i operativni plan održavanja čistoće dostavi općinskim organima nadležnim za komunalne poslove i kantonalnom inspektoratu nadležnom za inspeksijske poslove (Kantonalnoj upravi za inspeksijske poslove Kantona Sarajevo), te da ovaj organ uprave vrši i inspeksijski nadzor. U skladu sa navedenim program i operativni plan održavanja čistoće javnih površina bi bio dostavljen i Kantonalnom inspektoratu nadležnom za inspeksijske poslove u komunalnoj djelatnosti koji je u sastavu nove Kantonalne uprave. Važeći Zakon o komunalnoj čistoći je precizirao sljedeće: Članom 64. Zakona o komunalnoj čistoći je određeno da su, radi ostvarivanja zaštite komunalne čistoće na teritoriji Kantona, komunalna preduzeća (KJKP "RAD" d.o.o. Sarajevo i KJKP "PARK" d.o.o. Sarajevo) dužna osigurati neposredno čuvanje čistoće. Članom 65. Zakona o komunalnoj čistoći je precizirano da neposrednu zaštitu komunalne čistoće obavljaju komunalni redari (Službe komunalnih redara KJKP "RAD" d.o.o. Sarajevo i KJKP "PARK" d.o.o. Sarajevo). Članom 68. Zakona o komunalnoj čistoći je određeno da je komunalni redar ovlašten da vrši kontrolu u pogledu održavanja čistoće na javnim i drugim površinama, sačinjava zapisnike i službene zabilješke na licu mjesta, koje zatim prosljeđuje nadležnoj kantonalnoj komunalnoj inspekciji na postupanje. Budući da je jedan od razloga za formiranje Kantonalne komunalne policije uočena neefikasnost vođenja inspeksijskog nadzora i postupka potrebno je ukinuti navedene članove (član 64., 65., 66., 67. i 68.) Zakona o komunalnoj čistoći Kantona Sarajevo, osim toga treba prilagoditi članove 62. i 63. Zakona o komunalnoj čistoći. Zakon o inspekcijama Kantona Sarajevo („Službene novine Kantona Sarajevo“, br. 2/17 i 37/21) u članu 111. daje mogućnost, da ako je neophodno zbog prirode djelatnosti i funkcionalne povezanosti sa drugim poslovima državne uprave u određenoj oblasti se može uspostaviti inspekcije i u sastavu drugih organa uprave u Kantonu. Takođe je precizirano da kada je inspeksijski nadzor organizovan u okviru organa uprave u Kantonu Sarajevo tokom vršenja inspeksijskog nadzora primjenjuju se odredbe Zakon o inspekcijama Kantona Sarajevo, ukoliko posebnim zakonom nije drugačije propisano. Uvažavajući navedeno, Zakonom o komunalnoj policiji je propisano da se prekršaji u toku vođenja inspeksijskog nadzora sankcionišu u skladu sa Zakonom o inspekcijama Kantona Sarajevo, a prekršajne kazne se preuzimaju direktno iz člana 109. pomenutog zakona. Takođe je predviđeno da se prekršaji koje učine inspektori i kazne za takvo postupanje preuzimaju iz člana 110. Zakona o inspekcijama Kantona Sarajevo. Budući da je Zakon o komunalnim djelatnostima precizirao da komunalnim inspektorima u vršenju inspeksijskog nadzora pomažu komunalni redari, Grad Sarajevo i općine su postupili u skladu sa navedenim, te u sklopu tih inspeksijskih organa već rade komunalni redari, a formiranjem Kantonalne uprave preuzetim komunalnim inspektorima će umjesto dosadašnjih redara pomagati kantonalni komunalni policajci. Uvažavajući činjenicu da postojeće Službe komunalnih redara KJKP "RAD" d.o.o. Sarajevo i KJKP "PARK" d.o.o. Sarajevo nisu adekvatno odgovorile na izazov obavljanja neposredne zaštite komunalne čistoće, jer su njihovi komunalni redari uposlenici ovih preduzeća i nemaju ovlasti koje su predviđene članom 42., stav (4) Zakona o komunalnim djelatnostima, da je izuzetno neefikasno njihovo postupanje, kao i rezultati izvršenih kontrola bez mogućnosti poduzimanja mjera, da se njihovi zapisnici i službene zabilješke dostavljaju kantonalnoj komunalnoj inspekciji na nadležno postupanje, da pomenuti zapisnici i službene zabilješke ne sadrže zaštićene osobne podatke lica koja su učinila konstatovani prekršaj je opredjelilo članove interresorne radne grupe da predloži formiranje nove, samostalne upravne organizacije koja bi imala naziv Kantonalna uprava za komunalne poslove u Kantonu Sarajevo Kantonalna uprava za

komunalne poslove u Kantonu Sarajevo bi bila sastavljena od dosadašnjih kantonalnih komunalnih inspektora Inspektorata komunalne inspekcije, zaštite prirode, zaštite dobara baštine i inspekcije za sport Kantonalne uprave za inspeksijske poslove Kantona Sarajevo i od komunalnih policajaca koji budu primljeni nakon obavljenog javnog konkursa. Kantonalni komunalni inspektori bi prešli u Kantonalnu upravu za komunalne poslove Kantona Sarajevo na osnovu postignutog načelnog sporazuma direktora Kantonalne uprave za inspeksijske poslove Kantona Sarajevo i ministra Ministarstva komunalne privrede i infrastrukture, prostornog uređenja, građenja i zaštite okoliša Kantona Sarajevo. Komunalni policajci bi bili ovlaštteni da nakon izvršenog komunalnog policijskog nadzora i konstatovanog prekršaja iz domena komunalnog reda, odnosno komunalne čistoće, izdaju prekršajni nalog fizičkom licu-građaninu, licu koje samostalno obavlja djelatnost, pravnom licu i odgovornom licu u pravnom licu. Komunalni policajci bi, takođe, bili ovlaštteni da pomažu kantonalnim komunalnim inspektorima, takođe uposlenicima Kantonalne uprave za komunalne poslove Kantona Sarajevo, u vršenju inspeksijskog nadzora, kako je i predviđeno i u skladu sa članom 42., stav (4) Zakona o komunalnim djelatnostima. Uposlenicima Službi komunalnih redara KJKP "RAD" d.o.o. Sarajevo i KJKP "PARK" d.o.o. Sarajevo, koji ne ispunjavaju uslove za obavljanje poslova komunalnog policajca ili ne budu prošli konkursnu proceduru za prijem u Kantonalnu komunalnu policiju Kantona Sarajevo, će prema dogovoru biti ponuđen novi ugovor o radu i isti će biti raspoređeni na adekvatna radna mjesta u okviru njihovih preduzeća. Interresorna radna grupa je mišljenja da se određeni broj postojećih komunalnih redara KJKP "RAD" d.o.o. Sarajevo može angažovati na način da unutar preduzeća vrše kontrolu provođenja redovnog održavanja komunalne čistoće javnih površina, plana i programa prikupljanja i odvoza komunalnog otpada, plana i programa zimskog održavanja saobraćajnica i sl., a da se postojeći komunalni redari KJKP "PARK" d.o.o. Sarajevo, pored kontrole redovnog održavanja javnih zelenih površina, trebaju, uz dodatnu stručnu obuku, osposobiti da vrše kontrolu ispravnosti mobilijara koji je postavljen na dječijim igralištima, kao i njegovu usklađenost sa propisanim standardima. Interresorna radna grupa je istakla mišljenje da što prije treba donijeti odluku i pokrenuti proces formiranja Kantonalne uprave za komunalne poslove Kantona Sarajevo, koja će svojim kapacitetom, stručnošću, efikasnim radom i pravilnim odabirom kadrova biti spremna da se suoči sa problemima i izazovima provođenja i održavanja komunalnog reda na području Kantona Sarajevo. Napomena: Općina Centar Sarajevo je, nakon što je uočila da ima sličan problem sa održavanjem komunalnog reda na svom području, provela javnu raspravu u vezi donešenog nacrtu Odluke o komunalnom redu na području Općine Centar Sarajevo, koja je usklađena sa prijedlogom ovog Zakona o komunalnoj policiji Kantona Sarajevo i bavi se komunalnim redom i održavanjem površina koje nisu Zakonom o komunalnoj čistoći precizirane kao javne površine i na koje se ne odnose odredbe Zakona o komunalnoj čistoći.

Također, u okviru javne rasprave, a u skladu sa Zaključkom Skupštine kojim je između ostalog utvrđen Nacrt Zakona, zaprimljene su primjedbe, prijedlozi i mišljenja od Udruženja Centar za promociju civilnog društva CPCD Sarajevo, KJKP Rad d.o.o. Sarajevo, KJKP Tržnice d.o.o. Sarajevo, Zamjenica predsjedavajućeg Skupštine Kantona Sarajevo Danijela Kristić - putem izvoda iz Stenograma sa Sjednice Skupštine Kantona Sarajevo, zainteresovani građanin - Kenan Kapo, a ono što je prihvaćeno ili odbijeno detaljno je obrazloženo u samom Izvještaju o rezultatima javne rasprave o Nacrtu Zakona o komunalnoj policiji Kantona Sarajevo, te je u vezi sa tim Prijedlog Zakona dopunjen/izmijenjen u nekoliko odredbi u odnosu na Nacrt Zakona.

Također, ono što ističemo jeste da je u okviru rasprave o navedenom Nacrtu Zakona na sjednici Skupštine Kantona Sarajevo najveći broj primjedbi i sugestija se vezao za upotrebu sredstva prinude - službene palice, te je Komisija zaključila da se službena palica kao sredstva prinude ukloni iz Zakona.

- PRAVNA RJEŠENJA

Shodno naprijed navedenom u Prijedlogu Zakona o komunalnoj policiji Kantona Sarajevo predložena su sljedeća pravna rješenja:

POGLAVLJE I. - OPŠTE ODREDBE

U ovom poglavlju, u članovima 1. do 9. precizirane su opće odredbe zakona. Jasno su definisani predmet zakona i pojmovi koji se koriste. Sve definicije nalaze na jednom mjestu, te su usklađene sa definicijama sadržanim u drugim propisima. Također se osvrnulo na definisanje komunalno policijskog i komunalno inspeksijskog nadzora, sa ciljem uklanjanja nejasnoća prilikom buduće primjene ovog zakona.

Član 1. (Predmet) Utvrđuje predmet Zakona, propisuje se osnivanje Kantonalne uprave prava i obaveze komunalni policajaca i komunalnih inspektora

Član 2. (Značenje izraza) pojmovi koji se koriste u ovom Zakonu

Član 3. (Vršenje komunalno inspeksijskog nadzora) način na koji se vrši nadzor

Član 4. (Uloga i značaj komunalno policijskog i komunalno inspeksijskog nadzora)

Član 5. (Organizovanje komunalno policijskog i komunalno inspeksijskog nadzora)

Član 6. (Lica koja vrše komunalno policijski i komunalno inspeksijski nadzor)

Član 7. (Načela vršenja komunalno policijskog i komunalno inspeksijskog nadzora)

Član 8. (Obavještanje o počinjenom krivičnom djelu)

Član 9. (Propisivanje komunalno policijskog i komunalno inspeksijskog nadzora)

POGLAVLJE II. - DJELOKRUG RADA KANTONALNE UPRAVE

U ovom poglavlju, u članovima 10. do 15. definisan je status Kantonalne uprave za komunalne poslove Kantona Sarajevo, djelokrug i način rada, kao polazni i pravni osnov za formiranje novog organa uprave u Kantonu Sarajevo.

Član 10. (Kantonalna uprava za komunalne poslove) samostalna kantonalna uprava.

Član 11. (Poslovi Kantonalne uprave)

Član 12. (Djelokrug rada i broj komunalnih policajaca i komunalnih inspektora)

Član 13. (Normativi za vršenje komunalno policijskog i komunalno inspeksijskog nadzora)

Član 14. (Evidencije o komunalno policijskom i komunalno inspeksijskom nadzoru)

Član 15. (Planiranje i izvještaji o komunalno policijskom i komunalno inspeksijskom nadzoru)

POGLAVLJE III. - NADLEŽNOST KANTONALNE UPRAVE

Imajući u vidu značaj ovog organa uprave, njegove samostalnosti i buduće efikasnosti u ovom poglavlju u članovima 16. do 18. propisane su nadležnosti Kantonalne uprave, način rukovođenja te ovlaštenja i obavze direktora.

- Član 16. (Nadležnost Kantonalne uprave)
- Član 17. (Rukovođenje Kantonalnom upravom)
- Član 18. (Ovlaštenja direktora)

POGLAVLJE IV. - STATUS, PRAVA, OBAVEZE I OVLAŠTENJA KOMUNALNIH POLICAJACA I KOMUNALNIH INSPEKTORA

U okviru ovog poglavlja, članovima 19. do 27. jasno je definisano ko su komunalni policajci i komunalni inspektori, te njihova ovlaštenja i obaveze, kako bi se izbjegla pogrešna primjena zakona u praksi, a pogotovo imajući u vidu da je djelokrug rada komunalnih inspektora i komunalnih policajaca propisan i u drugim propisima.

- Član 19. (Komunalni policajci)
- Član 20. (Komunalni inspektori)
- Član 21. (Uniforma, iskaznica i značka komunalnog policajca i komunalnog inspektora)
- Član 22. (Prava i obaveze komunalnog policajca i komunalnog inspektora)
- Član 23. (Ovlaštenja komunalnog policajca)
- Član 24. (Način provjere identiteta)
- Član 25. (Stručno obrazovanje komunalnih policajaca i komunalnih inspektora)
- Član 26. (Ograničenje komunalnih policajaca i komunalnih inspektora u obavljanju drugih poslova)
- Član 27. (Čuvanje službene i druge tajne)

POGLAVLJE V. - PREVENTIVNO DJELOVANJE KOMUNALNIH POLICAJACA I KOMUNALNIH INSPEKTORA

Sa ciljem usklađivanja ovog propisa sa načelima i standardima koji su propisani u Evropskoj uniji, pri tome poštivajući zagarantovana ljudska prava u članovima 28. i 29. propisano je preventivno djelovanje komunalnih policajaca i komunalnih inspektora, sa ciljem zaštite javnog i privatnog interesa.

- Član 28. (Preventivno djelovanje komunalnih policajca i komunalnih inspektora)
- Član 29. (Preventivne mjere)

POGLAVLJE VI. - POSTUPAK KOMUNALNO POLICIJSKOG I KOMUNALNO INSPEKCIJSKOG NADZORA

U ovom poglavlju, u članovima 30. do 51. precizirani su svi radni procesi Kantonalne uprave za komunalne poslove Kantona Sarajevo. Iako su određeni procesi precizirani i drugim zakonima, imajući u vidu da se radi o novoj upravnoj organizaciji koja je prva takve vrste u Bosni i Hercegovini, stvorila se potreba da se svi radni procesi nanovo definišu, razrade i propišu, kako bi se izbjegle nedoumice prilikom primjene ovog zakona i funkcionisanja uprave.

- Član 30. (Vođenje postupka komunalno policijskog i komunalno inspekcijuskog nadzora)
- Član 31. (Vršenje komunalno policijskog i komunalno inspekcijuskog nadzora)
- Član 32. (Nalog za vršenje komunalno policijskog i komunalno inspekcijuskog nadzora)
- Član 33. (Predočavanje naloga za vršenje komunalno policijskog i komunalno inspekcijuskog nadzora)
- Član 34. (Lista provjera – obim i složenost komunalno policijskog i komunalno inspekcijuskog nadzora)

- Član 35. (Predstavljanje komunalnog policajca i komunalnog inspektora subjektu nadzora)
- Član 36. (Mjesto, vrijeme vršenja i vrijeme trajanja komunalno policijskog i komunalno inspeksijskog nadzora)
- Član 37. (Dužnost omogućavanja rada komunalnim policajcima i komunalnim inspektorima)
- Član 38. (Utvrdjivanje podataka o subjektu nad kojim se vrši nadzor)
- Član 39. (Komunalno policijski zapisnik)
- Član 40. (Mjesto sačinjavanja zapisnika komunalnih policajaca)
- Član 41. (Primjedbe na zapisnik)
- Član 42. (Dokazna snaga zapisnika o komunalno policijskom nadzoru)
- Član 43. (Obaveza čitanja zapisnika i razmatranje primjedbi na zapisnik)
- Član 44. (Samostalnost komunalnih policajaca kod prikupljanja dokaza i utvrđivanja činjeničnog stanja)
- Član 45. (Pomoć policije u obavljanju komunalnog policijskog nadzora)
- Član 46. (Privremeno oduzimanje predmeta prekršaja)
- Član 47. (Postupak sa privremeno oduzetim predmetima)
- Član 48. (Učestvovanje subjekta nadzora u komunalno policijskom nadzoru)
- Član 49. (Izjašnjenje subjekta nadzora o činjenicama i dokazima)
- Član 50. (Pozivanje odgovornog i drugog lica)
- Član 51. (Dužnost odazivanja pozivu)

POGLAVLJE VII. - UPRAVNE I DRUGE MJERE

U ovom poglavlju, u članovima 52. do 55. precizirane su određene upravne mjere koje su od značaja za funkcionisanje Kantonalne uprave za komunalne poslove Kantona Sarajevo, a i kako bi stranke u postupku ostavile svoja prava kroz žalbeni postupak i u slučaju potrebe porenule upravni spor. Pored odredbi Zakona o upravnom postupku Federacije Bosne i Hercegovine („Službene novine Federacije Bosne i Hercegovine“, br. 2/98 i 48/99), određene upravne i druge mjere morale su se definisati i kroz ovaj zakon imajući u vidu da se u Kantono Sarajevo komunalna djelatnost i pored genaralnih odredbi i nadležnosti lokalnih zajednica na relaciji općina – grad – resorno ministarstvo.

- Član 52. (Upravne mjere u komunalno policijskom i komunalno inspeksijskom nadzoru)
- Član 53. (Rok za donošenje rješenja za zapisnikom ili usmeno naloženu upravnu mjeru)
- Član 54. (Pravni lijekovi protiv rješenja i zaključaka)
- Član 55. (Odlučivanja po žalbama)

POGLAVLJE VIII. - IZVRŠENJE UPRAVNIH MJERA

U ovom poglavlju, u članovima 56. do 69. precizirane su i ostale upravne mjere koje su od značaja za funkcionisanje Kantonalne uprave za komunalne poslove Kantona Sarajevo. Također je razrađen segment saradnje nove kantonalne upravne organizacije sa nižim nivoma vlasti sa ciljem poštivanja i uvažavanja principa lokalne samouprave.

- Član 56. (Postupanje po rješenju i izvršenje usmeno naložene mjere od strane komunalnog inspektora)
- Član 57. (Dužnost obavještavanja komunalnog inspektora o izvršenju rješenjem naložene mjere)
- Član 58. (Praćenje izvršenja rješenjem naloženih mjera)
- Član 59. (Izvršnost rješenja)
- Član 60. (Produženje roka izvršenja upravne mjere)

- Član 61. (Zaključak o dozvoli prisilnog izvršenja rješenja o upravnoj mjeri)
- Član 62. (Sadržaj zaključka o dozvoli prisilnog izvršenja rješenja)
- Član 63. (Zapisnik o dozvoli prisilnog izvršenja rješenja)
- Član 64. (Izvršenje upravne mjere prisilom sa novčanim kažnjavanjem)
- Član 65. (Uplata novčane kazne)
- Član 66. (Obustava prisilnog izvršenja upravne mjere)
- Član 67. (Primjena zakona o upravnom postupku)
- Član 68. (Saradnja sa kantonalnim, gradskim i općinskim inspekcijama)
- Član 69. (Saradnja Kantonalne uprave sa drugim organima)

POGLAVLJE IX. - UNUTRAŠNJA KONTROLA

U ovom poglavlju, u članovima 70. do 73. definisana je unutrašnja kontrola, koja predstavlja svojevrsan unutrašnji mehanizam za osigranje kvaliteta rada i zakonitog djelovanja uposlenika Kantonalne uprave za komunalne poslove Kantona Sarajevo.

- Član 70. (Pojam i provođenje unutrašnje kontrole)
- Član 71. (Osnovni ciljevi rada unutrašnje kontrole)
- Član 72. (Poslovi unutrašnje kontrole)
- Član 73. (Vršenje unutrašnje kontrole)

POGLAVLJE X. - PREKRŠAJI I KAZNE NE ODREDBE

U ovom poglavlju, u članovima 74. do 79. predviđene su kazne za učinjene prekršaje po ovom zakonu te primjena kaznenih odredbi Zakona o inspekcijama Kantona Sarajevo. Važno je napomenuti da su iznosi u okviru kaznenih odredbi definisani u skladu sa Zakonom o prekršajima Federacije BiH.

- Član 74. (Nadzor nad primjenom i provođenje zakona)
- Član 75. (Prekršaji i prekršajne kazne)
- Član 76. (Prekršaji i kazne za postupanje komunalnih inspektora)
- Član 77. (Disciplinska odgovornost komunalnih inspektora i komunalnih policajaca)
- Član 78. (Sredstva za finansiranje rada Kantonalne uprave)
- Član 79. (Posebni uslovi rada)

POGLAVLJE XI. - PRIJELAZNE I ZAVRŠNE ODREDBE

U ovom poglavlju, u članovima 80. do 87. propisane su prijelazne i završne odredbe kojima se definiše donošenje podzakonskih akata, izmjene i dopune drugih propisa koji su od značaja za primjenu ovog zakona, prestanak rada Službe komunalnih redara KJKP „Rad“ d.o.o. Sarajevo i KJKP „Park“ d.o.o. Sarajevo i definiše period stupanja na snagu ovog zakona

- Član 80. (Zakonski osnov za preuzimanje komunalnih inspektora iz Kantonalne uprave za inspeksijske poslove Kantona Sarajevo)
- Član 81. (Javnost rada Kantonalne uprave)
- Član 82. (Donošenje pravilnika i drugih općih akata)
- Član 83. (Imenovanje direktora)
- Član 84. (Saradnja kantonalnih organa sa Katonalnom upravom)
- Član 85. (Komunalno inspeksijski postupak započet prije dana stupanja na snagu ovog zakona)

Član 86. (Ravnopravnost spolova)

Član 87. (Prestanak rada Službe komunalnih redara KJKP „Rad“ d.o.o. Sarajevo i KJKP „Park“ d.o.o. Sarajevo)

Član 88. (Izmjene i dopune zakona i drugih propisa uvjetovane donošenjem ovog zakona)

Član 89. (Stupanje na snagu)

- FINANSIJSKA SREDSTVA

Za provođenje Zakona o komunalnoj policiji Kantona Sarajevo i formiranje Kantonalne uprave za komunalne poslove Kantona Sarajevo potrebno je obezbijediti finansijska sredstva u Budžetu Kantona Sarajevo. U skladu sa Zakonom o platama i naknadama u organima vlasti Kantona Sarajevo („Službene novine Kantona Sarajevo“, broj 5/19) za plate zaposlenika za tri mjeseca 2022. godine, potrebno je izdvojiti dodatnih sredstava cca 30.000,00 KM, a ostala sredstva obezbijedit će se preraspodjelom, za fiksne troškove: najam poslovnog prostora na za tri mjeseca cca 30.000,00 KM, za 2022. godinu, troškovi goriva za 2022. godine u cca 7.000,00 KM, ostali nepredviđeni troškovi cca 25.000,00 KM, kao i nabavka kancelarijskog materijala 15.000 KM, što ukupno za izdatke za materijala, sitni inventar i usluge iznosi 77.000,00 KM. Takođe u 2022. godini potrebno je u budžetu Kantona Sarajevo predvidjeti sredstva za nabavku šesnaest putničkih vozila i dva kombi vozila sa dodatnom opremom u iznosu od cca 900.000,00 KM. Sem toga u 2022. godini potrebno je u budžetu Kantona Sarajevo predvidjeti sredstva za nabavku uniformi za komunalne policajce (ljetna i zimska uniforma po dva kompleta za komunalne policajace) u iznosu od cca 480.000,00 KM. Kao i za nabavku računarske opreme u iznosu od cca 60.000,00 KM, opremanje server sale u iznosu od cca 150.000,00KM, nabavka telefona u iznosu od cca 10.000,00 KM, nabavka sistema veze u iznosu od cca 190.000,00 KM, nabavka kamera u iznosu od cca 18.000,00 KM, nabavka dronova u iznosu od cca 20.000,00 KM, te nabavka sredstava prinude (palica i sprej sa omamljujućim dejstvom) u iznosu od cca 20.000,00 KM, što ukupno za izdatke za nabavku stalnih sredstava iznosi 1.848.000 KM. Za Budžet 2023 i 2024. godine za implementaciju zakona potrebno je obezbijediti 4.400.000 KM za bruto plaće, naknade i doprinose i 340.000 KM za izdatke za materijal, sitni inventar i usluge.

Kada je riječ o prihodovnoj strani budžeta u drugoj polovini 2022. godine planirana je naplata prihoda od novčanih kazni (od pravnih i fizičkih lica) u iznosu od cca 600.000 KM, sa pretpostavkom da će ovi prihodi biti i znatno veći. Za 2023. godinu projekcija prihoda od novčanih kazni iznosi 1.300.000 KM, a u 2024. godini preko 2 mil KM.

U Budžetu Kantona Sarajevo za 2022. godinu su predviđeni i redovni troškovi Službe komunalnih redara KJKP „RAD“ d.o.o. Sarajevo koji čine plate komunalnih redara u iznosu od cca 1.200.000,00 KM. U Budžetu Kantona Sarajevo za 2022. godinu su predviđeni i redovni troškovi Službe komunalnih redara KJKP „PARK“ d.o.o. Sarajevo koji čine plate komunalnih redara u iznosu od cca 600.000,00 KM, kao i dodatni troškovi poslovanja (kancelarijski materijal, računi za komunalije koji u KJKP „RAD“ d.o.o. Sarajevo iznose cca 65.000,00 KM, a u KJKP „PARK“ d.o.o. Sarajevo oko cca 10.000,00 KM na godišnjem nivou). Napominjemo da su sredstva za komunalne inspektore iz KUIP-a obezbijedena Budžetom Kantona Sarajevo za 2022.godinu i da će se izvršiti preraspodjelom sredstava sa Budžetskog korisnika Kantona uprava za inspeksijske poslove Kantona Sarajevo.Ovim zakonom će se umanjiti izdvajanja za navedene pozicije ustanovama u iznosu od cca 2.060.000 KM.

IZVJEŠTAJ O REZULTATIMA JAVNE RASPRAVE O NACRTU ZAKONA O KOMUNALNOJ POLICIJI KANTONA SARAJEVO

Skupština Kantona Sarajevo je na 52. Radnoj sjednici održanoj dana 16.05.2022. godine Zaključkom broj: 01-02-20203/22 utvrdila Nacrt Zakona o komunalnoj policiji Kantona Sarajevo i uputila isti u javnu raspravu u trajanju od 60 dana s tim da javnu raspravu organizuje i provodi Vlada Kantona Sarajevo. Također, Vlada Kantona Sarajevo obavezna je da nakon provedene javne rasprave podnese Skupštini Kantona Sarajevo izvještaj o rezultatima javne rasprave koji sadrži primjedbe, prijedloge i mišljenja kao i da obrazloženje razloga zbog koji pojedine primjedbe, prijedlozi i mišljenja nisu prihvaćeni u pripremi Prijedloga Zakona o komunalnoj policiji Kantona Sarajevo.

Postupajući po Zaključku Skupštine, materijal je dostavljen kantonalnim organima, jedinicama lokalne samouprave, naučnim i stručnim ustanovama, te je postavljen na web stranicu Skupštine Kantona Sarajevo sa navedenim Zaključkom radi omogućavanja da se sva zainteresovana lica uključe aktivno u javnu raspravu.

Primjedbe, prijedloga i mišljenja su dostavili pismenim putem ili elektronskom poštom:

1. Udruženje Centar za promociju civilnog društva CPCD Sarajevo;
2. KJKP Rad d.o.o. Sarajevo
3. KJKP Tržnice d.o.o. Sarajevo
4. Zamjenica predsjedavajućeg Skupštine Kantona Sarajevo Danijela Kristić - putem izvoda iz Stenograma sa Sjednice Skupštine Kantona Sarajevo
5. Zainteresovani građanin - Kenan Kapo

1. Udruženje Centar za promociju civilnog društva CPCD Sarajevo;

„Poštovani/a,

Prije svega pozdravljamo donošenje jednog ovakvog zakona jer je praksa primjene postojećih Zakona o komunalnim djelatnostima i čistoći Kantona Sarajevo pokazala da jesu neophodne promjene što je definirano i KEAPom Kantona Sarajevo, ali ovaj Nacrt Zakona o komunalnoj policiji na ovakav način dodatno usložnjava obavljanje komunalno-inspekcijskog nadzora. Napisan je poprilično konfuzno, u nekim dijelovima dosta općenito da se na kraju tačno ne zna koje poslove će koja funkcija obavljati jer se uglavnom preklapaju i postavlja se pitanje opravdanosti postojanja i komunalnog policajca i komunalnog inspektora.

U nastavku se nalaze komentari, prijedlozi i sugestije Centra za promociju civilnog društva (CPCD) na Nacrt Zakona o komunalnoj policiji Kantona Sarajevo.

Član 2.

U članu 2 opisane su pod a. i b. Značenja komunalnog policajca odnosno komunalnog inspektora gdje je razlika u tome što komunalni policajac može biti i namještenik i isključivo

vezan za ovaj novi zakon dok komunalni inspektor osim ovog zakona podliježe i Zakonu o inspeksijskim poslvima te Zakonu o komunalnim djelatnostima.

- c) komunalni policijski nadzor je vrsta upravnog nadzora koji se se ostvaruje kontrolom na licu mjesta, neposrednim uvidom u postupanje pravnih i fizičkih lica koja obavljaju određenu djelatnost i građana „fizičkih lica“ u pogledu komunalnog reda na području Kantona Sarajevo, pridržavanje zakona i drugih propisa, te preduzimanje upravnih i drugih mjera,
- d) komunalni inspeksijski nadzor je vrsta upravnog nadzora koji se se ostvaruje posrednim i neposrednim uvidom u postupanje pravnih i fizičkih lica koja obavljaju određenu djelatnost i građana „fizičkih lica“ u pogledu komunalnog reda na području Kantona Sarajevo, pridržavanja zakona i drugih propisa, te preduzimanje upravnih i drugih mjera.

Pod stavkama c. i d. Opisani su policijski i inspeksijski nadzori koji se razlikuju samo u par riječi dok u ostalim stavkama od e.-l. Je sve zajedničko pa se postavlja pitanje šta će nam ove dvije funkcije?

Mišljenja smo da bi bilo svrsishodnije i praktičnije u praksi, a i manje bi koštalo u budžetu, da to bude jedna funkcija, tj. komunalni policajac, koji će vršiti komunalno-inspeksijski nadzor i obavezno bi trebao da bude državni službenik sa visokom stručnom spremom, a nikako namještenik sa srednjom stručnom spremom.

U ovom Zakonu nigdje nije definirano koji su to komunalni poslovi koje će nadgledati komunalni policajci i komunalni inspektori, a komunalni poslovi su širok pojam. Iako je to definirano u Zakonu o komunalnim djelatnostima Kantona Sarajevo smatramo da bi i ovdje trebali biti nabrojani.

Član 5. treba doraditi i povezati sa Članom 12 posebno u dijelu kada se govori koliko policajaca ide na broj stanovnika.

Član 6.

Komentar i prijedlog kao kod Član-a 2 - Predlažemo jednu funkciju komunalni policajac koji će obavljati komunalno-inspeksijski nadzor.

Član 12. - Djelokrug rada Kantonalne uprave utvrđen je propisima Kantona Sarajevo u kojima je regulisana nadežnost za komunalnu upravnu oblast.

Prijedlog da u ovom članu se navedu tačno koji su to propisi ili da se nabroje koje su to nadležnosti komunalne policije/inspektora.

Prijedlog da je na 2000 stanovnika ide jedan komunalni policajac koji će obavljati komunalno-inspeksijski nadzor.

Član 31. (Vršenje komunalno policijskog i komunalno inspeksijskog nadzora) =član 3(Vršenje komunalno inspeksijskog nadzora), ponavlja se naziv člana pa preispitati oba člana i možda objediniti ih.

Član 75. (prekršaji i prekršajne kazne)

Predlažu se izmjene visini kazni u stavovima (2), (3), (4), (5) i (6) kako bi se napravilo usklađivanje sa odredbama Zakona o prekršajima Federacije BiH (Službene novine Federacije, broj 63/14).

(2) Novčanom kaznom u iznosu od 10.000,00 KM do 100.000,00 KM kaznit će se za prekršaj pravno lice ako:

- a) odbija saradnju sa komunalnim policajcima i komunalnim inspektorima u postupku poduzimanja preventivnih mjera i radnji ne postupi po rješenju komunalnih inspektora
- b) ne sudjeluje u vršenju komunalno policijskog i komunalno inspeksijskog nadzora (član 48. stav 1) ovog zakona),
- c) spječavaju ili otežavaju komunalnim policajcima i komunalnim inspektorima vršenje nadzora (član 48. stav 2) ovog zakona),
- d) onemogućiti komunalne policajce i komunalne inspektore u vršenju komunalno policijskog i komunalno inspeksijskog nadzora (član 48. stav 2) ovog zakona)
- e) ne da na uvid poslovne knjige i drugu službenu dokumentaciju, ažurne i tačne podatke (član 48. stav 4) ovog zakona),
- f) ako subjekt nadzora ne da na uvid službenu dokumentaciju, tačne podatke koji su im potrebni za pravilno utvrđivanje svih činjenica i okolnosti u vršenju komunalno policijskog nadzora odmah na licu mjesta (član 48. stav 5) ovog zakona),
- g) se ne odazove pozivu komunalnih policajaca ili komunalnih inspektora da u roku koji mu je naložen donese u službene prostorije organa tražene podatke ili dokumentaciju ili da dođe lično radi davanja pojašnjenja, a vezano za vršenje nadzora (član 50. stav 2) ovog zakona),
- h) u ostavljenom roku ne izvijesti komunalne inspektore o izvršenju upravne mjere (član 57. stav 1) ovog zakona),
- i) ne postupi po rješenju komunalnih inspektora i ne izvrši upravnu mjeru koja mu je rješenjem naložena u roku utvrđenom u rješenju (član 61. stav 1) ovog zakona),

(3) Za prekršaj iz stava (2) ovog člana kaznit će se i odgovorno lice u pravom licu novčanom kaznom u iznosu od 5.000,00 KM do 20.000,00 KM.

(4) Za prekršaj iz stava (2) ovog člana kaznit će se i fizičko lice -poslodavac novčanom kaznom u iznosu od 5.000,00 KM do 20.000,00 KM.

(5) Za prekršaj iz stava (2) ovog člana kaznit će se i fizičko lice -poslodavac koje obavlja određenu djelatnost bez rješenja (dozvole) nadležnog organa, novčanom kaznom u iznosu od 5.000,00 KM do 20.000,00 KM.

(6) Za prekršaj iz stava (2) ovog člana kaznit će se i fizičko lice - građanin novčanom kaznom u iznosu od 2000,00 KM do 10.000,00 KM.“

Stav predlagača: Prijedlozi se ne prihvataju.

Obrazloženje:

Primjedbe i sugestije predlagač nije u mogućnosti da prihvati zbog formalno-pravnih pretpostavki i ograničenja.

2. KJKP Rad d.o.o. Sarajevo

„- član 23. tačka G.

Iza riječi „nadzire“ dodati riječ:

te da komunalni policajac ima direktan pristup informacijama države agencije o ličnim podacima (putem Ministarstva unutrašnjih poslova Kantona Sarajevo - baze IDDEEA), kako bi se gore navedeni prekršajni nalog mogao realizovati na lic mjestu.

Obrazloženje:

U svom rad, a u skladu odredbama ovog Zakona o komunalnoj čistoći i drugim propisima, komunalni policajac može biti u situaciji da na licu mjesta ne zatekne lice koje čini prekršaj (parkiranje voila na javnoj zelenoj površini, parkiranje vozila uz posude za odlaganje komunalnog opada, odbijanje davanja ličnih podataka i dr.) u tom slučaju komunalni policajac mora odmah izdati prekršajni nalog jer u protivnom lice ili predmet prekršaja mogu napusti lice mjesta prekršaja.

- član 23. stav 1. tačka J.

Predlažemo detaljno obrađen pojam upotrebe sile od strane komunalnog policajca, a koji bi bio usklađen sa postojećim propisima koji regulišu upotrebu sile od strane službenih lica, a koji su doneseni na državnom i federalnom nivou kao i nivou Kantona Sarajevo. Također, potrebno je propiat način i situacije u kojima komunalni policajac stiče i koristi sredstva upotrebe prinude. Obzirom da se radi o potpuno novom vid nadzora i kontrole (prvi put se pominje pojam Komunalni policajac) sa novim vidom ovlaštenja, smatramo da sva ovlaštenja treba uskladiti sa svmi propisima sa viših nivoavlasti koja tretiraju ovu oblast.

- član 32. stav 3.

Mijenja se i glasi:

Nalog za vršenje komunalno-policijskog nadzora komunalni policajac može vršiti po službenoj dužnosti, te na osnovu pismenog i usmenog zahtjeva stranaka, pravnih i fizičkih lica, te po nalogu neposrednog rukovodioca (ma kako se on zvao), a u izuzetnim slučajevima i po nalogu inspektora.

- član 80.

Iza riječi „Kantona Sarajevo“ dodati riječi:

Kao i komunalni redari KJKP „Rad“ d.o.o. Sarajevo i KJKP „Park d.o.o. Sarajevo

Obrazloženje:

Obzirom da je Služba komunalnih redara formirana 1997. godine na onovu Odredaba Zakona o komunalnoj čistoći Kantona Sarajevo, te vršila u skladu sa istim zaštitu i kontrolu čistoće na javnim površinama na području Kantona Sarajevo, navedena Služba je dakle 25 godina vršila poslove i zadatke u skladu sa Zakonom o komunalnoj čistoći i u istom periodu izvršila više desetina hiljada pregleda, spriječavanja prljanja javnih površina, kao i sačinjavanje uprosjeku preko 2000 zapisnika, kojim su utvrđeni nedostaci i prekršaji isvi su odmah prosljeđivani Kantonalnoj ukomunalnoj inspkciji na dalji rad i procesuiranje istih. Na osnovu gore navedenog smatramo da se kao i inspektori i svi koumalni redari zakonski preuzmu i budu dio buduće komunalne policije kako bi se nastavio kontinuitet na Zakonu zasnovanog nadzora i kontrole čistoće na području Kantona Sarajevo.

- član 85.

Predlažemo da se doda tačka 4. koja glas:

Komunalne redare, koji iz nekog razloga ne budu preuzeti u Upravu za komunalne poslove - komunalnu policiju, Kantonalna javna komunalna preduzeća u kojima su trenutno uposeni su dužna rasporediti na odgovarajuća radna mjesta, u skladu sa stručnom spremom.

S poštovanjem,“

Stav predlagača: Prijedlozi se djelimično prihvataju.

Obrazloženje:

Ako u trenutku kada utvrdi prekršaj, a lice u prekršaju nije prisutno, komunalni policajac će snimiti konstatovanu prekršajnu radnju i sačiniti službenu zabilješku. Po povratku u službene prostorije, komunalni policajac će postupiti na način propisan Zakonom o agenciji za identifikaciona dokumenta, evidenciju i razmjenu podataka Bosne i Hercegovine ("Službeni glasnik BiH", br.56/08) i u skladu sa Zakonom o zaštiti ličnih podataka ("Službeni glasnik BiH", br.49/06, 76/11 i 89/11) i utvrditi identitet lica u prekršaju. Nakon toga komunalni policajac će postupiti u skladu sa članom 57. Zakona o inspekcijama Kantona Sarajevo ("Službene novine Kantona Sarajevo", br. 2/17 i 37/21) i uputiti poziv prekršitelju radi izjašnjenja. Nakon utvrđivanja odgovornosti, komunalni policajac će licu u prekršaju izdati prekršajni nalog. Također, u Zakonu o komunalnoj policiji Kantona Sarajevo nije predviđeno direktno preuzimanje komunalnih redara KJKP"RAD"d.o.o. Sarajevo i KJKP"PARK"d.o.o. Sarajevo zbog toga što ne postoji pravni osnov za ovakvu proceduru (uposlenici Uprave su državni službenici i namještenici koji se u radni odnos primaju putem konkursne procedure u skladu sa Zakonom o državnoj službi KS i Zakonom o namještenicima u organima državne službe u FBiH, a zaposlenici navedenih preduzeća nisu državni službenici ni namještenici, te nije moguće putem sporazuma preuzeti iste, a shodno svemu navedenom moraju biti obuhvaćeni konkursnom procedurom). Upotreba sredstava prinude odnosno upotreba sile je dozvoljena samo u okviru nužne odbrane, te ostaje ranije navedena formulacija. U cjelokupnom postupku i samom radu Komisije donesen je zaključak da niko od trenutnih komunalnih redara neće ostati bez posla, te je sa navedenim komunalnim preduzećim dogovoreno da komunalne redare u skladu sa stručnom spremom rasporede na druga radna mjesta u preduzećima. U vezi sa tim, i sa samim prijedlogom KJKP „RAD“ d.o.o. Sarajevo prihvaćena je sugestija da se u Zakonu propiše obaveza raspoređivanja zaposlenika na druga radna mjesta, a u skladu sa stručnom spremom i drugim propisanim uslovima u matičnim preduzećima.

3. KJKP Tržnice d.o.o. Sarajevo

„Prema dostavljenom Zaljučku, kao i Nacrtu zakona o komunalnoj policiji Kantona Sarajevo dostavljenog na protokol preduzeća 01.06.2022. godine, br. 01-02-2023/22, dostavljamo prijedlog KJKP „Tržnice-Pijace“ d.o.o. Sarajevo na navedeno, te se nadamo da ćete uvažiti isti.

- Prijedlog za proširenje ovlasti Komunalne policije Kantona Sarajevo

Kako je osnovna djelatnost našeg preduzeća izdavnje u zakup nekretnina u vlasništvu preduzeća ko i nekretnina uzetih u podzakup, naše preduzeće shodno tržištu pokušava da bude u koraku sa konkurencijom. Najveći problem u našem poslovanju, a koji je evidentan decenijama jeste ilegalna ulična prodaja koja ugrožava naše poslovanje.

Svjedoci smo da se sve više povećava broj nelegalnih prodavača koji svojom robom prodaju na improvizovanim stolovima, kutijama, gajbama oko naših pijaca i na ostalim frekventnim dijelovima grada. Napominjemo da su svi naši zakupci registrovani u skladu sa izmjenama i dopunama Zakona o unutrašnjoj trgovini, koji je stupio na snagu 26.10.2017. godine, te da su oni ugroženi jer moraju plaćati doprinose, poreze, zakupninu, dok pored njih nelegalni prodavači ne plaćaju ništa, te mogu smaniti cijenu robe čime stavljaju legalne prodavače u nepovoljan položaj. Također, imamo najave masovnog odustajanja zakupaca na pijacama i prelazak u nelegalnu prodaju, čime bi ozbiljno ugrozili budućnost ovog Preduzeća.

Kao rezultat detaljne analize, proizilazi činjenica da naše preduzeće na deset poslovnih jedinica u Kantonu Sarajevo zbog ilegalne prodaje gubi na godišnjem nivou 350.000,00 KM te samim tim i ne plaća porez na iste usluge. Pored finansijskog gubitka, Grad Sarajevo gubi na imidžu prilikom dolaska turista iz cijelog svijeta, a koji su svjedoci ilegalne prodaje na najfrekventnijim ulicama u Sarajevu.

Obzirom da smo se desetine puta obraćali inspektoratu, policijskim upravama, te da nismo efekta imali, mišljenja smo da bi dodavanjem ovlasti komunalne policije u kojem i sankcionisali ilegalne prodavače na ulicama i drugim mjestima u mnogome pripomoglo jednom javnom komunalnoj preduzeću u poslovanju, te učinilo glavni grad onakvim kakav zaista zalužuje biti, metropolom.

S poštovanjem,“

Stav predlagača: Prijedlozi se ne prihvataju.

Obrazloženje:

Suzbijanje nelegalne trgovine na ulicama i oko tržnica i pijaca na području Kantona Sarajevo je u nadležnosti Inspektorata tržišno turističke inspekcije, a higijensku, zdravstvenu i sanitarnu kontrolu vrše veterinarski, sanitarni i inspektori za hranu Kantonalne uprave ta inspeksijske poslove Kantona Sarajevo.

Kontrolu privremenog korištenja i zauzimanja javnih površina vrše općinske komunalne inspekcije. Članom 7. , tačka i. Zakona o komunalnim djelatnostima ("Službene novine Kantona Sarajevo", br. 14/16, 43/16,10/17-ispravka, 19/17, 20/18 i 22/19) je precizirano da Kanton Sarajevo obezbjeđuje obavljanje komunalne djelatnosti "tržnice i pijace na malo".U članu 4. je navedeno da se pod tržnicama i pijacama na malo podrazumijevaju određeni zatvoreni i otvoreni prostori u državnoj svojini, na kojima se pružaju usluge obavljanja prometa živežnim namirnicama i drugim proizvodima, te uređivanje i održavanje ovih prostora.

Imajući u vidu navedeno, smatramo da i za ovu komunalnu djelatnost treba donijeti podzakonski propis odnosno uredbu, koja bi trebala sadržavati i precizirane zabranjene radnje (na primjer: zabrana ulične prodaje na ulicama u neposrednoj blizini pijaca i tržnica) kao i sankcije za lica u prekršaju. Time bi se omogućilo da komunalni policajci budu ovlaštene za sankcionisanje bespravnog korištenja javnih površina i prodaju robe oko otvorenih i zatvorenih prostora u državnoj svojini, na kojima se pružaju navedene usluge.

4. Zamjenica predsjedavajućeg Skupštine Kantona Sarajevo Danijela Kristić - putem izvoda iz Stenograma sa Sjednice Skupštine Kantona Sarajevo

„...Nadležnost komunalnog inspektora i komunalnog policajca su u većoj mjeri podudaraju. Nadležnosti komunalnog policajca definisane su Zakonom o komunalnoj policiji, anadležnosti komunalnog inspektora Zakonom o inspekcijama Kantona Sarajevo, te Zakonom o komunalnim djelatnostima. Iz odredbi Zakona o komunalnoj policiji da se zaključiti da upravne mjere donose komunalni inspektori, što je definisano članom 52. stav (1). Međutim članom 23. stav (1) Tačka je Zakon o komunalnim policajcima daju ovlaštenja da preduzima upravne i druge mjere u skladu sa ovimdrugim relevantnim zakonima i propisima što je jednako ovlaštenjima inspektora iz člana 2 stav (1) tačka i) Zakon o inspekcijama Kantona Sarajevo. Postavlja pitanje da li su dovoljno razlučene naležnosti komunalnog inspektora i komunalnog poicajca za primjenu u praksi? Član 13. gdje je navedno da će direktor donijeti pravilnik koji će propisati broj komunalnih policijskih i inspekcijaskih nadzora i nije definisan rok za donošenja tog pravilnika. Moja sugestija je da se definišetačno rok kojim se treba donijeti taj pravilnik. Član 33. stav (1) nalog za komunalno policijski i komunalno inspekcijaski nadzor se po pravilu ne dostavlja, niti predaje subjektu nadzora, nego se isti na njegov zahtjev predočava prilikom kmunalnog policijskog i komunalno inspekcijaskog nadzora. Članom 32. stav (5) propisano je da ako postoji potreba za poduzimanjem hitnih mjera zbog zaštite javnog interesa, komunalni inspektor i njegov neposredni rukovodilac može izdatiusmeni nalog za vršenje komunalno policijskog i komunalno inspekcijaskog nadzora uz obavezu da se u roku od 24 sata od izdavanja usmenog naloga izda pismeni nalog. S tim vezi bio u članu 33. eventualno trebalo dodati odredbu prema kojoj će se u slučaju iz člana 32. stava (5) pismeni nalog predočiti subjektu nadzora na njegov zahtjev nakon što bude izdat. Član 66. stav (1) tačka c) komunalni inspektor obustavlja postupak prisilnog izvršenja upravne mjere donesena zaključkom o dozvoli prisilnog izvršenja rješenja, ukoliko utvrdi da se provodi prema licu koje nije u prekrčaju. Možda bi bolja formulacija bila iz Zakona o inspekcijama Kantona Sarajevo da inspektor obustavlja postupak prisilnog izvršenja ukoliko se utvrdi da se prodi prema licu koje nije u obavezi. Ova formulacija iz razloga što mislim da nije nužno da subjekt nadzora bude u prekrčaju. Član 79. stav (1) gdje je definisano uvećanje plata, moja sugestija je da se taj dio preciznije definiše da li se odnosu na sve administrativne radnike i uspolenika. Hvala.“

Stav predlagača: Prijedlozi se prihvataju.

Obrazloženje:

Prijedlozi i sugestije su prihvaćeni i sadržani su u odredbama Prijedloga Zakona.

5. Zainteresovani građanin - Kenan Kapo

„AMANDMAN I

U članu 32. u stavu (3) riječi: „Nalog komunalnim policajcima izdaje komunalni inspektor“ zamjeniti riječima „Svakodnevni nalog komunalnim policajcima izdaje pomoćnik direktora,, dok ostatak stava ostaje nepromjenjen.

Obrazloženje:

Komunalnim policajcima radne naloge izdaje rukovodioc-pomoćnik direktora, a ne inspektor.

AMANDMAN II

Član 73. izmjeniti tako da isti glasi:

„Unutrašnju kontrolu u Kantonalnoj upravi sprovodi sektor unutrašnje kontrole kojim rukovodi pomoćnik direktora.“

Obrazloženje:

Kontrolu je potrebno urediti na nivou sektora kao unutrašnje organizacione jedinice.

AMANDMAN III

Član 82. nacarta zakona izmjeniti tako da isti glasi:

„Direktor uprave donijet će u roku od 30 dana pravilnik o unutrašnjoj organizaciji kantonalne uprave, a druge provedbene akte u roku od 90 dana od dana stupanja na snagu ovog zakona.“

Obrazloženje:

Kako bi se u cilju efikasnosti osigurali predusovi za funkcionisanje kantonalne uprave rok za donošenje pravilnika o nurašnjoj organizaciji kantonalne uprave potrebno je drediti na 30 dana.

AMANDMAN IV

U nacrtu zakona potrebno je dodati novi član koji glasi:

„Vlada Kantona Sarajevo će na prijedlog Mnistarstva komunalne privrede, infrastrukture, prostornog uređenja, građenja i zaštite okoliša Kantona Sarajevo za potrebe vršenja poslova iz djelokruga kantonalne uprave, u roku od 15 dana od stupanja na snagu ovog zakona imenovati vršioca dužnosti direktora Kantonalne upave, na peiod do okončanja konkursne procedure za imenovanje direktora. Vršioc dužnosti je dužan u rok od 30 dana od dana usvajanja ovog zakona donijeti pravilnik o unutrašnjoj organizaciji kantonalne uprave.“

Obrazloženje:

U cilju osiguranja uslova za rad i funkcionisanje kantonalne uprave neophodno je imenvoati vršioca dužnosti direktora, te da isti u roku od 30 dana donese pravilnik o unutrašnjoj organizaciji kantonalne uprave.

AMANDMAN V

U nacrtu zakona potrebno je dodati novi član koji glasi:

„Svi organi na nivou Kantona dužni su odmah pružiti sardnju i preduzeti sve aktivnosti unutar svoje nadležnosti kako bi se u što kraćem roku osigurali svi potrebni preduslovi za uspostavu i funkcionalan rad Kantonalne uprave.“

Obrazloženje:

Pružanje pomoći i saradnje od stane nadležnih organa preduvjet je ispunjenju svih neophodnih uslova za uspostavu početak rada Kantonalne uprave.“

Stav predlagača: Prijedlozi se prihvataju.

Obrazloženje:

Prijedlozi i sugestije su prihvaćeni i sadržani su u odredbama Prijedloga Zakona.



Broj: 03-04-02-30906/22
Sarajevo, 12.08.2022. godine

**MINISTARSTVO KOMUNALNE PRIVREDE,
INFRASTRUKTURE, PROSTORNOG UREĐENJA,
GRAĐENJA I ZAŠTITE OKOLIŠA**
gosp. Enver Hadžiahmetović, ministar

**PREDMET: Prijedlog Zakona o komunalnoj policiji Kantona Sarajevo,
mišljenje –**

VEZA: Vaš akt, broj: 05/01-02-40795-4/22 od 08.08.2022. godine

Postupajući po Vašem aktu, broj i datum gornji, na osnovu odredbi člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 36/21) i člana 4. stav 2. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17-Drugi novi prečišćeni tekst i 2/18-Ispravka), Ministarstvo pravde i uprave razmotrilo je prijedlog ovog zakona i daje sljedeće

MIŠLJENJE

Prijedlog Zakona o komunalnoj policiji Kantona Sarajevo je propis kojim se ne povređuju prava zaštićena odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.

S poštovanjem,

Dostaviti:
1. Naslovu;
2. a/a.



Darja Softić Kadenić



Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

6981
PB-1
- 09
- 018

Broj: 08-03-11-30782/22 NB
Sarajevo, 16.08.2022. godine

KANTON SARAJEVO
MINISTARSTVO KOMUNALNE PRIVREDE, INFRASTRUKTURE, PROSTORNOG
UREDNJA, GRAĐENJA I ZAŠTITE OKOLIŠA

Predmet: Mišljenje na Prijedlog zakona o komunalnoj policiji Kantona Sarajevo;
Veza: Vaš dopis, broj: 05/01-02-40795-5/22 od 08.08.2022. godine;

Vežano za Vaš zahtjev za mišljenje na Prijedlog zakona o komunalnoj policiji Kantona Sarajevo, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj 34/16 i 15/18), dajemo sljedeće mišljenje:

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo je postupilo u skladu sa navedenim Pravilnikom i Ministarstvu finansija uz Prijedlog zakona dostavilo na mišljenje popunjen i potpisan obrazac IFP-DA u kojem je data sljedeća izjava: „Za provođenje Zakona o komunalnoj policiji Kantona Sarajevo i formiranje Kantonalne uprave za komunalne poslove Kantona Sarajevo potrebno je obezbijediti finansijska sredstva u Budžetu Kantona Sarajevo. U skladu sa Zakonom o platama i naknadama u organima vlasti Kantona Sarajevo („Službene novine Kantona Sarajevo“, broj 5/19) za plate zaposlenika za tri mjeseca 2022. godine, potrebno je izdvojiti dodatnih sredstava cca 30.000,00 KM, a ostala sredstva obezbijedit će se preraspodjelom, za fiksne troškove: najam poslovnog prostora tri mjeseca cca 30.000,00 KM za 2022.godinu, troškovi goriva za 2022.godinu u cca 7.000,00 KM, ostali nepredviđeni troškovi cca 25.000,00 KM, kao i nabavka kancelarijskog materijala 15.000,00 KM, što ukupno za izdatke za materijal, sitni inventar i usluge iznosi 77.000,00 KM. Takođe u 2022.godini potrebno je u Budžetu Kantona Sarajevo predvidjeti sredstva za nabavku šesnaest putnički vozila i dva kombi vozila sa dodatnom opremom u iznosu od cca 900.000,00 KM. Sem toga u 2022.godini potrebno je u Budžetu Kantona Sarajevo predvidjeti sredstva za nabavku uniformi za komunalne policajce (ljetna i zimska uniforma po dva kompleta za komunalne policajce) u iznosu od cca 480.000,00 KM, kao i za nabavku računarske opreme u iznosu od cca 60.000,00 KM, opremanje server sale u iznosu od cca 150.000,00 KM, nabavka telefona u iznosu od cca 10.000,00 KM, nabavka sistema veze u iznosu od cca 190.000,00 KM, nabavka kamera u iznosu od 18.000,00 KM, nabavka dronova u iznosu od cca 20.000,00 KM, te nabavka sredstava prinude (palica i sprej sa omamljujućim dejstvom) u iznosu od cca 20.000,00 KM, što ukupno za nabavku stalnih sredstava iznosu 1.848.000,00 KM. Za Budžet 2023 i 2024. godine za implementaciju zakona potrebno je obezbijediti 4.400.000,00 KM za bruo plaće, naknade i doprinose i 340.000,00 KM za izdatke za materijal, sitni inventar i usluge. Kada je riječ o prihodovnoj strani budžeta u drugoj polovini 2022.godine planirana je naplata prihoda od novčanih kazni (od pravnih i fizički lica) u iznosu od cca 600.000,00 KM, sa pretpostavkom da će ovi prihodi biti i znatno veći. Za 2023.godinu projekcija prihoda od novčanih kazni iznosi 1.300.000,00, a u 2024. godini preko 2 mil.KM. U Budžetu Kantona Sarajevo za 2022.godinu su predviđeni i redovni troškovi Službe komunalnih redara KJKP „RAD“ d.o.o Sarajevo koji čine plate komunalnih redara u iznosu od 1.200.000,00



Adresa: Maršala Tita 62, 71 000 Sarajevo
Tel: + 387 (0) 33 565-005, Fax: + 387 (0) 33 565-052
Web: <http://mf.ks.gov.ba>, E-mail: mf@mf.ks.gov.ba

1/2

KM. U Budžetu Kantona Sarajevo za 2022.godinu su predviđeni i redovni troškovi Službe komunalnih redara KJKP „RAD“ d.o.o. Sarajevo koji čine plate komunalnih redara u iznosu od cca 600.000,00 KM, kao i dodatni troškovi poslovanja (kancelarijski materijal, računi za komunalije koji u KJKP „RAD“ d.o.o Sarajevo iznose cca 65.000,00 KM, a u KJKP „RAD“ d.o.o Sarajevo oko cca 10.000,00 KM na godišnjem nivou). Napominjemo da su sredstva za komunalne inspektore iz Kantonalne uprave za inspeksijske poslove obezbijedena Budžetom Kantona Sarajevo za 2022.godinu i da će se izvršiti preraspodjelom sredstava sa Budžetskog korisnika Kantonalna uprava za inspeksijske poslove. Ovim zakonom će se umanjiti izdvajanja za navedene pozicije po ustanovama u iznosu od cca 2.060.000,00 KM.“.

U obrascu izjave o fiskalnoj procjeni IFP-DA vidljivo je da će za implementaciju Prijedloga zakona biti potrebna dodatna sredstva u iznosu 1.976.000,00 KM u 2022. godini, 4.740.000,00 KM u 2023. i 4.740.000,00 KM u 2024. godini, te se u 2022.godini planira ostvariti prihod za tri mjeseca u iznosu od 200.000,00 KM. Kako je navedeno u obrazloženju, ostala sredstva koja su potrebna za plaće i naknade troškova zaposlenih, kao i doprinose komunalnih inspektora, obezbijedit će se preraspodjelom sredstava sa budžetskog korisnika Kantonalna uprava za inspeksijske poslove Kantona Sarajevo.

Na osnovu naprijed navedenog a u skladu sa usvojenim Dokumentom okvirnog budžeta za 2023-2024, Ministarstvo finansija, konstatuje da u Budžetu Kantona Sarajevo za 2022. godinu, kao i u Dokumentu okvirnog budžeta za 2023-2024.godinu, nije uvršten budžetski korisnik „Kantonalna uprava za komunalne poslove Kantona Sarajevo“ i nisu planirana naprijed navedena potrebna budžetska sredstva.

Ovo mišljenje je dato u skladu sa odredbama Prijedloga zakona koji se obrađuje i podataka navedenih u Obrascu IFP-DA Izjave o fiskalnoj procjeni čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.

Dostaviti:

1. Naslovu
2. MF – Sektor za budžet i fiskalni sistem
3. a/a

Pripremio: Nedžad Bašić, dipl.ecc
Kontrolisala: Amina Moćević, mr. oec.





Broj: 09-02-30781/22
Sarajevo, 15.08.2022. godine

KANTON SARAJEVO
MINISTARSTVO KOMUNALNE PRIVREDE, INFRASTRUKTURE, PROSTORNOG
UREĐENJA, GRAĐENJA I ZAŠTITE OKOLIŠA

**PREDMET: Stručno mišljenje na prijedlog Zakona o Komunalnoj policiji
Kantona Sarajevo.-**

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17-Dруги нови преčišćени текст и 2/18-Ispravka), Ured za zakonodavstvo Vlade Kantona Sarajevo, daje slijedeće

MIŠLJENJE

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Zakona o Komunalnoj policiji Kantona Sarajevo (u daljem tekstu: Zakon) po pitanju njegove usklađenosti sa odredbama ustava, a vezano za usklađenost sa drugim pozitivno-pravnim propisima upućujemo na odredbe člana 88. prijedloga Zakona u kojima je nosilac pripreme predmetnog materijala naveo pozitivno-pravne propise koje je potrebno uskladiti kako bi se, nakon što se donesu, primjenjivale odredbe Zakona.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Други нови преčišćени текст и 2/18- Ispravka), te se isti može razmatrati na jednoj od narednih sjednica Vlade Kantona Sarajevo, uz preporuku da se predmetni materijal dopuni sa mišljenjem Ministarstva finansija Kantona Sarajevo vezano za obezbjeđenje budžetskih sredstava za primjenu ovog propisa, kao i mišljenjem Ministarstva pravde i uprave Kantona Sarajevo po pitanju zaštite osnovnih ljudskih prava i sloboda.

Dostaviti:

1. Naslovu
2. Evidencija
3. Arhiva



PO OVEŠTENJU VLADE KANTONA SARAJEVO

Adis Husk, dipl. pravnik

propise ili druge akte niti preduzimati radnje kojima bi se na bilo koji način ograničavala prava ili narušavali interesi Bosne i Hercegovine ili Federacije na ovom području.

II - ZAŠTITA LJUDSKIH PRAVA I SLOBODA

Član 7.

Utvrđivanje ljudskih prava i sloboda

Na području Kantona obezbjeđuje se puna zaštita ljudskih prava i sloboda utvrđenih Ustavom Bosne i Hercegovine i Ustavom Federacije, kao i u instrumentima datim u Aneksu Ustava Federacije.

Skupština ili bilo koji drugi organ Kantona ne mogu reducirati ljudska prava i slobode utvrđene aktima iz prethodnog stava. Oni su dužni u donošenju propisa i u njihovoj primjeni posebno voditi računa o efektima koje ti propisi imaju ili mogu imati u oblasti ljudskih prava i sloboda.

Član 8.

Zaštita ljudskih prava i sloboda

Skupština će obezbijediti donošenje takvih propisa kojima će se u prvom redu zaštititi utvrđena ljudska prava i slobode, te uvesti efikasni instrumenti te zaštite.

Organi vlasti u Kantonu prilikom izvršavanja propisa su obavezni onemogućiti svako narušavanje ljudskih prava i sloboda, te poduzimati sve potrebne mjere iz svoje nadležnosti radi njihove potpune zaštite. Ovo se posebno odnosi na policijske snage koje će efikasnim, preventivnim i operativnim radom obezbijediti punu ličnu i imovinsku zaštitu svakog građanina.

Član 9.

Komisija za ljudska prava

Radi zaštite ljudskih prava i sloboda i kontrole rada svih organa vlasti Kantona u ovoj oblasti, Skupština obrazuje posebnu Komisiju za ljudska prava.

Broj članova, način njihovog imenovanja te nadležnosti Komisije iz prethodnog stava utvrđuju se posebnim propisom Kantona.

Član 10.

Suradnja sa ombudsmenom i međunarodnim organizacijama

Skupština i drugi organi vlasti su obavezni pružiti ombudsmenu Bosne i Hercegovine, ombudsmenu Federacije i svim međunarodnim posmatračkim tijelima za ljudska prava potrebnu pomoć u vršenju njihovih funkcija na području Kantona.

U okviru pomoći iz prethodnog stava organi Kantona će naročito:

- staviti na uvid sve službene dokumente uključujući i one tajnog karaktera, te sudske i upravne spise;
- osigurati suradnju svake osobe i svakog službenika u davanju potrebnih informacija i podataka;
- osigurati pristup i kontrolu na svim mjestima gdje su osobe lišene slobode, zatvorene ili gdje rade;

d) omogućiti prisustvo sudskim i upravnim postupcima kao i sastancima organa.

Nalazi i izvještaji tijela iz stava 1. ovog člana će se razmatrati u nadležnim organima po hitnom postupku, te će na osnovu toga biti preduzimate odgovarajuće mjere gdje to bude potrebno.

III - NADLEŽNOSTI KANTONA

Član 11.

Određivanje nadležnosti

Kanton ima nadležnosti utvrđene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu pretpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.

Član 12.

Isključive nadležnosti

U okviru svojih nadležnosti Kanton je nadležan za:

- uspostavljanje i nadziranje policijskih snaga;
- utvrđivanje obrazovne politike, uključujući donošenje propisa o obrazovanju i osiguranje obrazovanja;
- utvrđivanje i provođenje kulturne politike;
- utvrđivanje stambene politike, uključujući i donošenje propisa koji se tiču urođivanja i izgradnje stambenih objekata;
- utvrđivanje politike koja se tiče reguliranja i osiguranja javnih službi;
- donošenje propisa o korištenju lokalnog zemljišta, uključujući i zadržavanje;
- donošenje propisa o unaprijeđivanju lokalnog poslovanja i dobrotvornih aktivnosti;
- donošenje propisa o lokalnim postrojenjima za proizvodnju energije i osiguranje njihove dostupnosti;
- utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- provođenje socijalne politike i uspostava službi socijalne zaštite;
- stvaranje i primjena politike turizma i razvoja turističkih resursa;
- stvaranje pretpostavki za optimalni razvoj privrede koja odgovara urbanoj sredini;
- finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

Član 13.

Zajedničke nadležnosti sa Federacijom

Kanton zajedno sa Federacijom, samostalno ili u koordinaciji sa federalnim vlastima vrši slijedeće nadležnosti:

- jamčenje i provođenje ljudskih prava;
- zdravstvo;
- politika zaštite čovjekove okoline;

- kor
- soc
- pro
- imi
- turi
- kori

Vršenje n

Svoje
stvenih pr
i Federacij
Nadlež
obimnog dog
takav dog
cjelovito i

Prenošenj

Svoje
turizma, Ic
radija i tele
sastavu. Ov
općine u ke
strukturi ni
cijelog Kan
Kanton
federalne v
njihovu efil
Odluku
donosi Skup

IV - STRUK

A) ZAKON

Opća odred

Zakonod

Sastav Skup

Skupština
stavljena od 4
tajnim glasa
području Kan

Prilikom i
zastupljenost
naroda propo
na području K

Izbor posl
anim izbor
povodi Skup

Atmosfera pe

- lupcima
ra će se
upku, te
je mjere
- d) komunikacijska i transportna infrastruktura;
 - e) socijalna politika;
 - f) provođenje zakona i drugih propisa o državljanstvu;
 - g) imigracija i azil;
 - h) turizam;
 - i) korištenje prirodnih bogatstava.

Član 14.

Vršenje nadležnosti

deracije
Kantona
Kantona
edinačno
ačiti kao
a.

Svoje nadležnosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadležnosti iz člana 13. ovog Ustava Kanton vrši u obliku dogovorenom sa federalnim vlastima. U slučaju da takav dogovor ne postoji te nadležnosti će Kanton vršiti cjelovito i samostalno.

Član 15.

Prenošenje nadležnosti

an za:
a;
ljučujući
izovanja;

Svoje nadležnosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadležnosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može neke od svojih nadležnosti prenijeti i na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadležnosti u smislu ovog člana donosi Skupština.

IV - STRUKTURA VLASTI

A) ZAKONODAVNA VLAST

Član 16.

Opća odredba

Zakonodavnu vlast u Kantonu vrši Skupština Kantona.

Član 17.

Sastav Skupštine

Skupština je jednodomno predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom izbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje 2 (dvije) godine.

Član 18.

Nadležnosti Skupštine

Skupština Kantona:

a) priprema i dvotrećinskom većinom usvaja Ustav Kantona;

b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;

c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;

d) utvrđuje politiku i donosi programe razvoja Kantona;

e) potvrđuje imenovanje Premijera, zamjenika Premijera i članova Vlade Kantona;

f) osniva kantonalne i općinske sudove i utvrđuje njihove nadležnosti;

g) bira sudije kantonalnih sudova sukladno Ustavu Federacije i ovom Ustavu;

h) usvaja budžet Kantona i donosi zakon o oporezivanju i na drugi način osigurava potrebno finansiranje;

i) bira zastupnike u Dom naroda Federacije sukladno Ustavu Federacije;

j) odlučuje o prijenosu ovlaštenja Kantona na općine i Federaciju;

k) odobrava zaključivanje ugovora i sporazuma u oblasti međunarodnih odnosa i međunarodne suradnje;

l) provodi istragu sukladno ovom Ustavu i posebnim propisima;

m) vrši i druge poslove utvrdene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasjedala javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovníkom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).

upisanim u zk. uložak broj 2763 K.O. SP_CRNOTINA sa pravom vlasništva KJKP "Sarajevogas" d.o.o. Sarajevo sa dijelom 1/1.

II

Daje se saglasnost Kantonalnom javnom komunalnom preduzeću "Toplane - Sarajevo" d.o.o. Sarajevo da radi obezbjeđenja kredita iz tačke I ove Odluke koje će KJKP "Sarajevogas" d.o.o. Sarajevo zaključiti sa UNION bankom d.d. Sarajevo može u svojstvu sudužnika potpisati kredit kod UNION banke d.d Sarajevo.

III

Ovlašćuje se Muhamed Kozadra vršilac funkcije premijera Kantona Sarajevo da u ime Vlade Kantona Sarajevo potpiše Sporazum o međusobnim obavezama za obezbjeđenje sredstava za vraćanje kredita namijenjenog za sprečavanje obustave isporuke prirodnog gasa Kantonu Sarajevo.

IV

Zadužuje se Vlada Kantona Sarajevo da odobrena sredstva iz tačke I ove Odluke planira u Budžetu Kantona Sarajevo za 2015., 2016., 2017. i 2018. godinu.

V

Zadužuje se Preduzeće da Skupštini Kantona Sarajevo nakon kreditnog zaduženja kod komercijalne banke od odobrenog iznosa iz tačke I ove odluke, namijenjenog za sprečavanje obustave isporuke prirodnog gasa za Kanton Sarajevo, dostavi detaljan izvještaj o utrošku kreditnih sredstava sa kompletnom pratećom dokumentacijom.

VI

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-23828/14 Predsjedavajuća
03. septembra 2014. godine Skupštine Kantona Sarajevo
Sarajevo Prof. dr. **Mirjana Malić**, s. r.

Zakonodavno-pravna komisija Skupštine Kantona Sarajevo

Na osnovu člana 8. Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13) i člana 181. stav 1. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno-pravna komisija Skupštine Kantona Sarajevo, na sjednici 22.08.2014. godine, utvrdila je Novi prečišćeni tekst Zakona o Vladi Kantona Sarajevo.

Prečišćeni tekst Zakona o Vladi Kantona Sarajevo obuhvata: Zakon o Vladi Kantona Sarajevo ("Službene novine Kantona Sarajevo" broj 24/03-Prečišćeni tekst) i Zakon o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u kojim je naznačen dan stupanja na snagu tih zakona.

Broj 01-05-22971-1/14
22. augusta 2014. godine
Sarajevo

Po ovlaštenju
Esad Hrvaić, s. r.

ZAKON

O VLADI KANTONA SARAJEVO (Novi prečišćeni tekst)

I - OPĆE ODREDBE

Član 1.

Ovim zakonom uređuje se sastav i organizacija, kao i druga pitanja od značaja za rad Vlade Kantona Sarajevo (u daljem tekstu: Vlada Kantona).

Član 2.

Vlada Kantona je izvršna vlast Kantona Sarajevo (u daljem tekstu: Kanton), u skladu sa Ustavom.

Član 3.

Vlada Kantona vrši svoja prava i dužnosti na osnovu i u okviru Ustava i ovog zakona.

Član 4.

Sjedište Vlade Kantona je u Sarajevu.

Član 5.

Vlada Kantona donosi poslovnik o radu kojim se uređuje: organizacija i način rada, postupak i način zakazivanja sjednice; dostavljanje i forma materijala za razmatranje, utvrđivanje prijedloga zaključaka i drugih akata; postupak razmatranja materijala; način ravnopravne upotrebe jezika i pisma konstitutivnih naroda u pripremi i izradi pisanih materijala; način izvršavanja zaključaka; prenošenje ovlaštenja i druga poslovnička pitanja.

Član 6.

Vlada Kantona raspolaze imovinom u vlasništvu Kantona u okviru ovlaštenja koja joj Skupština Kantona prenese posebnim propisom.

II - SASTAV I ORGANIZACIJA VLADE KANTONA

Član 7.

Vladu Kantona čine premijer Kantona (u daljem tekstu: premijer) i 12 ministara.

Član 8.

U slučaju privremene spriječenosti premijera, funkciju premijera vrši član Vlade kojeg odredi premijer.

U slučaju privremene spriječenosti premijera duže od 30 dana, funkciju premijera vrši član Vlade kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

U slučaju da mjesto premijera ostane upražnjeno, kandidat za premijera se imenuje u roku od 30 dana od dana kada je mjesto premijera ostalo upražnjeno, na način utvrđen ustavom, do kada funkciju premijera obavlja član Vlade Kantona kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

S danom imenovanja kandidata za premijera smatra se da su dosadašnji članovi Vlade u ostavci, koja stupa na snagu danom potvrđivanja imenovanja Vlade u novom sazivu.

Do potvrđivanja imenovanja Vlade u novom sazivu dosadašnji članovi Vlade nastavljaju s obavljanjem funkcije članova Vlade i ministara ministarstava.

Potvrđivanje Vlade u novom sazivu obaviti će se u roku od 30 dana od dana imenovanja kandidata za premijera.

Član 9.

U slučaju privremene spriječenosti člana Vlade, kada se razmatraju materijali iz nadležnosti ministarstva kojim rukovodi odsutni član Vlade, sjednicama Vlade prisustvuje sekretar tog ministarstva, bez prava glasa.

U slučaju privremene spriječenosti člana Vlade duže od 30 dana, funkciju ministra ministarstva kojim rukovodi odsutni ministar vrši član Vlade kojeg odredi premijer.

U slučaju da mjesto člana Vlade ostane upražnjeno, član Vlade se imenuje u roku od 30 dana od dana kada je mjesto člana Vlade ostalo upražnjeno, na način utvrđen ustavom, do kada funkciju ministra ministarstva kojim je rukovodio dotadašnji ministar obavlja član Vlade kojeg odredi premijer.

Ministar iz st. 2. i 3. ovog člana kojeg odredi premijer, ne obavlja i funkciju člana Vlade umjesto odsutnog ministra.

Član 10.

U slučaju kad Skupština izglasa nepovjerenje Vladi, premijer i članovi Vlade podnose pismenu ostavku, najkasnije u roku od

sedam dana od dana kada im je izglasano nepovjerenje, s tim da ostavka stupa na snagu danom potvrđivanja Vlade u novom sazivu.

U periodu od dana podnošenja ostavke do dana potvrđivanja Vlade u novom sazivu, Vlada u ostavci obavlja sve poslove iz svoje nadležnosti, u skladu sa ustavom i zakonom.

Potvrđivanje Vlade u novom sazivu mora se izvršiti najkasnije u roku od 60 dana od dana izglasavanja nepovjerenja prethodnoj Vladi.

Član 11.

Ministri odgovaraju premijeru i Skupštini Kantona.

Premijer je odgovoran Skupštini Kantona.

Ministri snose krajnju odgovornost za rad svojih ministarstava.

Vlada Kantona podnosi ostavku ako joj u bilo koje vrijeme Skupština Kantona izglasa nepovjerenje.

Član 12.

Premijer i članovi Vlade mogu podnijeti ostavku.

Premijer podnosi ostavku predsjedavajućem Skupštine Kantona, a potvrđuje je Skupština Kantona na prvoj narednoj sjednici.

Kad premijer podnese ostavku, smatra se da su ostavku podnijeli svi članovi Vlade.

Član Vlade podnosi ostavku premijeru.

Član 13.

Ako Skupština Kantona prihvati ostavku premijera, premijer i Vlada će obavljati sve poslove iz svoje nadležnosti, do imenovanja nove Vlade, u skladu sa članom 8b. stav 2. ovog Zakona.

Ako premijer prihvati ostavku pojedinog člana Vlade, rješenje o razrješenju potvrđuje Skupština Kantona na prvoj narednoj sjednici.

Ministar može obrazložiti ostavku u Skupštini Kantona.

Premijer će novog člana Vlade imenovati i predstaviti na sjednici Skupštine Kantona i zatražiti glasanje o potvrđivanju imenovanja tog člana, u roku iz člana 8a. stav 3. Zakona.

Član 14.

Konstitutivni narodi i pripadnici ostalih biće proporcionalno zastupljeni u Vladi. Takva zastupljenost će odražavati popis stanovništva iz 1991. godine do potpune provedbe Aneksa VII Dejtonskog mirovnog sporazuma.

Član 15.

Premijer i ministri, nakon potvrđivanja od strane Skupštine Kantona, daju svečanu izjavu pred predsjedavajućim Skupštine Kantona.

Vlada Kantona preuzima dužnost nakon potvrđivanja od strane Skupštine Kantona i davanja svečane izjave.

Član 16.

Vlada Kantona imenuje i razrješava sekretara Vlade Kantona u skladu sa zakonom kojim se reguliše državna služba.

Sekretar Vlade odgovara za svoj rad premijeru Vlade i Vladi.

III - NAČIN RADA I ODLUČIVANJA VLADE KANTONA

Član 17.

Radom Vlade Kantona rukovodi premijer koji predstavlja i zastupa Vladu Kantona, saziva sjednice Vlade Kantona, predlaže dnevni red i predsjedava sjednicama.

Član 18.

Vlada Kantona radi i odlučuje u sjednicama.

Vlada Kantona može odlučivati ako sjednici prisustvuje više od polovine članova Vlade Kantona, a sve odluke Vlade Kantona donose se prostom većinom članova Vlade Kantona koji glasaju.

U slučaju većih elementarnih nepogoda, nesreća ili drugih neposrednih društvenih opasnosti, Vlada donosi odluke prostom većinom glasova prisutnih članova Vlade koji glasaju.

IV - RADNA TIJELA VLADE KANTONA

Član 19.

Za razmatranje pitanja iz nadležnosti Vlade Kantona, davanje prijedloga i mišljenja o tim pitanjima, vršenje određenih poslova i zadataka u vezi sa provođenjem zaključaka Vlade Kantona, kao i za vršenje drugih poslova, Vlada Kantona može obrazovati stalna i povremena radna tijela (savjete, urede, komitete, odbore, komisije i dr).

Sastav i nadležnost radnih tijela iz stava 1. ovog člana uredit će se Poslovníkom Vlade Kantona ili aktom o obrazovanju radnog tijela.

Član 20.

Za donošenje rješenja u upravnom postupku i odlučivanje o drugim pojedinim pitanjima iz njene nadležnosti Vlada Kantona može obrazovati jednu ili više komisija čije članove imenuje iz reda članova Vlade.

V - NADLEŽNOST I ODGOVORNOST PREMIJERA I ČLANOVA VLADE KANTONA

Član 21.

Premijer rukovodi radom Vlade Kantona i odgovoran je za njen rad, osigurava jedinstvo u izvršavanju poslova iz nadležnosti Vlade Kantona, ostvaruje saradnju sa drugim organima i usmjerava djelovanje Vlade Kantona kao cjeline i članova Vlade Kantona pojedinačno, te vrši i druge poslove utvrđene ustavom.

Premijer potpisuje akte Vlade Kantona.

Član 22.

Članovi Vlade Kantona mogu pokrenuti inicijative za donošenje zakona i drugih propisa iz nadležnosti Vlade Kantona, predlagati razmatranje i pretresanje pojedinih pitanja iz nadležnosti Vlade Kantona, predlagati utvrđivanje stavova Vlade Kantona i imaju druga prava i dužnosti utvrđena ustavom i zakonom.

Član 23.

Članovi Vlade Kantona su odgovorni i za zastupanje i provođenje zaključaka Vlade Kantona u poslovima koje im Vlada Kantona povjeri, kao i za blagovremeno pokretanje inicijative za rješavanje pitanja u okviru zadataka koje im je povjerila Vlada Kantona ili premijer.

Član 24.

Članovi Vlade Kantona određeni da učestvuju u radu drugog organa i tijela dužni su postupati u skladu sa ovlaštenjima, smjernicama i stavovima Vlade Kantona.

Članovi Vlade Kantona su dužni svoju aktivnost ostvarivati tako da, pored poslova za koje su lično zaduženi, prate i pitanja iz djelokruga Vlade Kantona za koja nisu lično zaduženi i da svojim prijedlozima i mišljenjima doprinose odgovornom, zakonitom i efikasnom radu Vlade Kantona.

VI - SEKRETAR VLADE KANTONA

Član 25.

Sekretar Vlade Kantona prema uputstvima premijera i Vlade u skladu sa Poslovníkom, stara se o pripremanju sjednice Vlade i dostavljanju materijala potrebnih za rad Vlade i njenih radnih tijela, pomaže premijeru u vršenju njegovih prava i dužnosti u vezi sa organizacijom i pripremanjem sjednica Vlade i izvršavanju zaključaka Vlade, obezbjeđuje radnim tijelima Vlade pomoć i saradnju stručnih i drugih službi i vrši i druge poslove u vezi s radom Vlade koje mu povjeri premijer.

Sekretar Vlade je naredbodavac za izvršenje finansijskog plana Vlade.

VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organe uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14
22. augusta 2014. godine
Sarajevo

Po ovlaštenju
Esad Hrvaić, s. r.

ZAKON

O SUDSKIM TAKSAMAMA

(Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev

Član 4.

Izvršetak o izvršenju Budžeta Općine Vogošća za period 01.01.2014.-30.06.2014. godine, objavit će se u "Službenim novinama Kantona Sarajevo".

Broj 01-14-1780/14
08. septembra 2014. godine
Vogošća

Predsjedavajući
Općinskog vijeća Vogošća
Esad Pikanjač, s. r.

ISPRAVKA

Na osnovu člana 164. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, br. 15/13 i 47/13), sekretar Skupštine Kantona Sarajevo, nakon podnesenog zahtjeva za ispravku Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst) daje slijedeću

ISPRAVKU

ZAKONA O VLADI KANTONA SARAJEVO

("Službene novine Kantona Sarajevo", broj 36/14 - Novi prečišćeni tekst)

1. U članu 13. stav 1. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst), umjesto riječi: "članom 8b.", treba da stoji riječi: "članom 10."
2. U članu 13. stav 4. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst), umjesto riječi: "člana 8a.", treba da stoji riječi: "člana 9."
3. Ovu ispravku objaviti u "Službenim novinama Kantona Sarajevo".

Broj 01-05-22971-1-1/14
12. septembra 2014. godine
Sarajevo

Sekretar
Skupštine Kantona Sarajevo
Abid Kolašinac, s. r.

FEDERALNI ZAVOD ZA STATISTIKU

SAOPĆENJE

**O PROSJEČNOJ ISPLAĆENOJ MJESEČNOJ NETO
PLAĆI ZAPOSLENIH U KANTONU SARAJEVO ZA
JULI/SRPANJ 2014. GODINE**

1. Prosječna isplaćena mjesečna neto plaća po zaposlenom ostvarena u Kantonu Sarajevo za juli/srpanj 2014. godine iznosi 1.045 KM.

Broj 39
11. septembra 2014. godine

Direktor
Hidajeta Bajramović, s. r.

SLUŽBENE OBJAVE

UDRUŽENJA

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "ODRED IZVIĐAČA RAKOVICA 9", Ministarstvo pravde i uprave donosi

RJEŠENJE

1. Upisuje se u registar udruženja koji se vodi kod Ministarstva pravde i uprave Kantona Sarajevo Udruženje "ODRED IZVIĐAČA RAKOVICA 9", skraćeni naziv je OI RAKOVICA 9, sa sjedištem u Rakovici, ulica RAKOVIČKA CESTA broj 471.
2. Upis je izvršen pod registarskim brojem 1942. knjiga IV registra udruženja, dana 12.06.2014. godine.
3. Programski ciljevi i zadaci Udruženja su: Razvoj i unapređenje izviđaštva u lokalnoj zajednici; razvoj kod svojih članova za poštivanje ljudi, razvijanje prijateljstva među ljudima, narodima, kako u lokalnoj zajednici, tako i na međunarodnom nivou, provođenje načela koje se temelje na savremenim pedagoškim spoznajama kao i na zamislama utemeljitelja izviđačkog sporta Sir Robert Baden Powella; pridonosenje razvoju djece i mladih, na dostizanju njihovih punih umnih i tjelesnih potencijala, kao pojedinca, odgovornih građana i članova lokalne, nacionalne i međunarodne zajednice; organizovanje izviđačkih škola za učenike osnovnih i srednjih škola, kao i studenata radi sticanja izviđačkih znanja i vještina; organizovanje izviđačkih kampova, od lokalnog do međunarodnog nivoa, organizovanje časova ekološke edukacije, članova i građana o značaju zaštite čovjekove okoline radi sprječavanja od svih vidova i oblika zagađivanja, te drugi ciljevi i djelatnosti u skladu sa zakonom i Statutom.
4. Osoba ovlaštena za zastupanje i predstavljanje je: Baberović Anes - predsjednik Upravnog odbora.

Broj 03-05-05-3053/14
12. juna 2014. godine
Sarajevo

Ministrica
Velida Memić, s. r.

(O-874/14)